

元和姓纂

新文

元和姓纂卷八

唐林寶撰

陽湖孫星衍

歙洪瑩同校

一送

仲

高辛氏才子八元仲堪仲熊之後以王父字爲氏一云魯桓  
公子慶父子孫號仲氏又虺爲湯左相子孫氏焉漢有廷尉  
仲定少景唐司門員外郎仲子陵成都人

貢

仲尼弟子端木賜子貢之後以王父字爲氏漢有御史大夫  
貢禹

仲孫

慶父子孫號仲孫氏左傳齊有仲孫湫韓子有仲孫章

仲行

左傳秦三良仲行之後世本宋有仲行寅晉大夫有仲行氏

仲梁

魯大夫仲梁懷見左傳後魯有仲梁閔

仲顏

魯有大夫仲顏莊叔齊有大夫仲顏據

仲熊

楚公族有仲熊氏

洞沐

漢有洞沐孟陽治易

宋

二宋

子姓殷王帝乙長子微子啟周武王封於宋傳國三十六世  
至君偃爲楚所滅子孫以國爲氏楚有宋玉據祕笈新書增宋義宋

昌

廣平 昌爲漢中尉始居西河介休十二代孫晃生恭徙廣

平利人侯孫藥師生毓恭弟畿給案唐世系表給作洽恭前燕河南太

守毓生良北齊東郡太守良生乾子皓乾生大辯唐邛州司

馬大辯生守恭守慎守儉守恭遂安令生楚璧兵部郎中杭

州刺史守慎襄陽尉生庭璈庭瑜庭璘庭璣庫部員外庭瑜

度支郎中司農少卿庭瑜生顒常州刺史庭璘兵部郎中深

州刺史守儉洛州刺史生鼎兵部侍郎案唐世系表鼎兵部郎中荊州長

史鼎生悅工部員外郢州刺史悅生稷子皓孫陽元洛陽尉

景孫孝玉北平王文學撰關東風俗生俠畿後燕衛將軍司

馬生榮國曾孫丹

案唐世系表丹作弁

後魏吏部尙書生紀紀生欽道

欽仁曾孫務本唐藍田令生元撫襄州司戶元撫生璟侍郎

左丞相廣平文貞公生昇尙渾恕延華復衡昇祠部員外太

僕少卿隨州刺史生實渾駕部郎中御史中丞恕都官郎中

生衮太常丞延太原少尹華大理評事生儼佶倚儼蘇州刺

史佶河南尉倚號州刺史衡檢校左常侍生倓榮國七代孫

慶孫慶孫大理正給後魏七兵尙書孫謨生欽瓊欽曾孫正

文唐祕書郎瓊生仲羨燕渤海太守曾孫延慶生長威季緒

長威北齊御史中丞孫正言洛州司馬季緒生本立立生卓

然比部員外益州長史

燉煌 漢有宋諒諒裔孫後漢清水公繇曾孫遊道繇六代

孫壽唐同州郃陽縣令

弘農 狀云昌後自西河徙弘農唐太常丞宋仁回生果毅  
生之問之望之悌之問戶考二員外生昌藻之望改名之遜  
荊州刺史之悌太原尹益州長史河南劔南節度生若水若  
恩御史中丞若水丹徒令

樂陵 狀云本望出廣平唐儁州都督宋君明生捷弼捷固  
安令生宣遠弼生考玉比部員外君明堂兄渭河陽令生思  
敬思敬生詢吏部郎中左常侍詢生晦諫議大夫同州刺史  
晦生泛沚泛汝州刺史

扶風 唐秦州長史生元爽元獎爽尙書左丞秋官侍郎揚  
洛二州長史生述監察御史元獎晉原尉生遙适遙禮戶吏  
侍郎左丞魏汴州刺史适左補闕遙生東里東里生華

河南 周廣化令宋道狀云本廣平人曾孫義桐柏令生溫

璉溫瑗溫瑾溫璩溫瑾戶部侍郎鄭州刺史溫璉太原少尹  
生寂溫瑗侍郎御史生蹇溫璩梓州刺史

京兆 後漢侍中宋弘之後今無聞晉宋甄宋琨唐都官郎  
中宋質給事中生樽號州人殿中御史宋務先洛陽人司農  
少卿宋遵貴中書舍人宋則並京兆人工部郎中宋元昉江  
夏安陸人生之順戶部員外殿中侍御史貝州刺史宋慶禮  
邯鄲人殿中御史虔微邯鄲人

統

見姓苑

三用

用

風俗通古有用國見毛詩漢有高唐令用蚪名士錄有高唐

用案毛詩有用國未詳高唐用下亦有脫字

雍

風俗通周文王第十三子雍伯之後以國爲姓今或音雍州之雍漢雍齒沛人

四絳

絳

絳縣老人之後

巷

毛詩周巷伯之後

五寘

賜

仲尼弟子端木賜之後以王父名爲氏

刺

左傳鄭大夫刺張姓苑云其先封刺鄉因氏焉

案左傳鄭大夫鄭古

洽切今作刺誤也刺俗刺字

義

風俗通云義伯陽卿也漢有南陽太守義縱

河東 義縱代居河東封岸頭侯晉有上庸都尉義欽

智

今有河東智氏漢有零陵太守智嗣

戲

穎川 見姓苑又音僖魏志有戲才

譬歷辰

代人改爲辰氏

季

陸終氏之子季連之後一云魯桓公子季友之後亦為季氏

漢功臣表戚圉侯季必傳封四代

壽春 姓苑云今壽春有季氏漢河東太守季布弟心宋有

季高大曆右常侍季廣琛

摯

風俗通摯疇古諸侯國毛詩周有摯荒案摯荒未見毛詩義疏

京兆 長安魏太僕少卿摯模代居京兆生虞晉太常卿光

祿勳晉書有傳

駟

左傳鄭穆公子駢字子駟之後以王父字為姓漢恩澤侯表

鄔侯駟鈞齊哀王舅

稚

商後見史記氏族略

冀

左傳冀國今晉州冀氏又晉大夫卻芮食采冀邑亦為冀氏

芮生缺唐侍御史冀元珪太原人子仲輔職方郎中案姓氏急就篇

仲輔作仲甫

祕

漢功臣表戴侯祕彭祖傳七代孫西秦錄有僕射祕宜案西秦錄

宜作宣

肆

風俗通宋大夫肆臣之後

漁陽 漢有漁陽太守肆敏子孫居之

利

漢有利幾又仙人利真元漢陽人風俗通云漢有利乾為中

山相

河南 官氏志吒利氏改為利氏

遂

左傳有遂國齊人殲于遂因氏焉其後並以遂為姓

貳

左傳楚屈瑕將盟貳軫並小國也今在隨州之南漢東今隋

州有二氏

翠

急就章有翠鴛鴦其先楚景之後避難以其祖名氏焉

案顏師古

注作景萃之  
後改翠氏

賈

見姓苑

廬江 今廬州有此姓

備

見姓苑

季孫

魯桓公子友之後子孫號季孫氏生行父文子文子生宿武  
子武子生紇悼子公若公烏紇生平子意如平子生斯桓子  
季魴侯季寤斯生肥康子

季連

晉有唐邑大夫季連齊出自陸終第六子季連之後

季融

世本楚鬪廉生季融子孫氏焉

季隨

世本周八士季隨之後宋有季隨逢見左傳

季駟

周八士季駟之後

季夙

潛夫論晉靖公孫季夙之後

季嬰

世本晉樓季嬰之後

季尹

楚有季尹然齊有季尹平

四飯

四飯缺之後紂賢人

地駱枝

改爲駱氏

案官氏志作他駱拔

七志

異

今溫州白水有此姓

氏族略

意

見姓苑

侍其

漢廣野君酈食其元孫賜以食爲氏曾孫武平帝時爲侍中

改爲侍其氏焉

北海

侍其武先元

案漢有侍其元  
矩疑即此人

避王莽亂家北海七代

孫裔魏尚書左丞生邕邕生仁實晉廬江太守孫曼宋武昌

太守

寺人

宋寺人惠牆之後

事父

宋事父氏子姓也

意如

魯季孫意如之後

八未

魏

周文王第十五子畢公高受封于畢裔孫萬仕晉封於魏至

雙絳舒代爲晉卿後分晉爲諸侯稱王至王假爲秦所滅子孫以國爲氏昭王生公子無忌忌孫無知無知五代孫歆

鉅鹿

曲陽侯漢鉅鹿太守歆居鉅鹿五代孫慶

案唐世系表慶作宣

漢封北海公宣孫統統長子儔爲東祖次子植爲西祖也

東祖

儔孫藪生儵意暨儵曾孫蘭根後魏僕射生少政政

生孝機孝該孝液孝機唐水部員外生嵩德刑部侍郎嵩德

生濬溫洵洵祠部郎中睦州刺史孝該元孫瓊京兆功曹孝

液孫慤京兆功曹意七代孫宗敏刑部郎中生恆歸州刺史

洵堂孫皐改名懿文邵州刺史生中庸暨生荀臺六代孫求

已吏部員外郎中書舍人生嗣萬金部郎中嗣萬生羔羔生

鸞景北齊司農卿鸞景生彥卿彥深彥理彥元彥卿元孫承

休壽州刺史彥深隋著作郎孫歸仁一名克己吏部侍郎同

州刺史彥理孫寶言生智本光本智本生亮虔州刺史光本  
生靖庫部郎中秦州都督靖生少賓少游少游刑部尙書京  
兆尹生友讓友順友直友恭友信友讓京兆司錄友順太常  
博士友直京兆兵曹彥元生浦刑戶二侍郎生正見正動正  
見庫部郎中生杳太常博士正動生傳弓監察御史

西祖 植晉御史中丞生虔虔生綏攀綏六代孫惇生彬文  
將彬生之邊皇州錄事參軍生全恕全恕生禮禮生綽緄緄  
綽生孟馴叔敖仲犀叔虬季龍孟馴左武將軍叔敖生正臣  
兼監察御史仲犀比部員外華州刺史江陵長史荆南節度  
生正雅殿中御史叔虬京兆戶曹生弘簡弘遠弘簡戶部郎  
中緄萬年尉生叔驥萬成萬成檢校員外全恕姪欽構監察  
御史文將會孫連城左拾遺攀元孫子建後魏益州刺史生

收北齊僕射生人表收姪曾孫保家監察御史生行元長安

尉地官尚書兼納言鉅鹿公魏元同稱東祖意之後生廓案唐

世系表廓作土廓隋禮部侍郎御史生又唐濮陽令元同生悋愼恬

協悋著作郎生長裕季隋季邁長裕河南法曹生充霓尤季

隋膳部郎中季邁長安尉愼御史主簿生方回方進廣業方

回淄州刺史方進左御史大夫生允修案唐世系表允作元修作循允生

叔正兼監察御史修郴州刺史廣業生安昇荆州刺史案唐世系

表廣業昇州刺史生甫此生安二字疑衍生甫恬給事中鄭州刺史生嶠嶠生黃

裳開州刺史元同堂姪確案唐世系表元同五子其五為確此作堂姪與唐表異唐司

議郎

清河無知元孫謚漢清河太守因家焉裔孫充西魏開府

儀同三司孫進唐右二府統軍進堂弟文博觀州刺史

宜陽 本居濟陽今已絕

任城 無知曾孫不害生漢任城太守案此下有脫名因家焉不害

孫相漢丞相高平侯裔孫舒晉司徒族詠之宋荊州刺史今絕

宋城 唐中書令右僕射齊公魏元忠生昇昇太僕少卿

晁泗州刺史

費

史記紂幸臣費仲夏禹之後楚有費無極漢有費直

江夏 蜀丞相費禕巴郡太守費觀禕孫晉巴東令穆之生

恬晉江夏相魚復侯恬七代孫弘規唐主客郎中合肥男又

居盧費愔晉西中郎將五代孫唐辰州刺史允斌晉費試成

都人

汝南 後漢費長房之後

瑯琊 費直之後

河南 官氏志費連氏改為費氏

尉

鄭有尉止尉翩先賢尉繚著書號尉繚子

河南 官氏志北方尉遲部如中華諸侯也魏孝文改為尉

氏尉托奇枝為屈汗莫賀弗案魏書無可考疑有脫誤六代孫後周長公

侯兜案周書長樂郡公侯兜生迴及綱此長字下脫樂字侯誤作侯生迴綱迴太師相州總

管蜀國公生寬誼綱後周大司空吳國公生運安允安允安

生耆福唐庫部員外

貴

風俗通云陸終之後漢廬江太守貴遷

常山 晉武帝才人常山貴氏生東海越王石趙錄有司空  
中郎將貴霸

既

風俗通云吳夫槩王之後子孫因避仇改爲既氏漢有安南  
長史既涼

緯

見姓苑

魏强

魏武子支孫莊子快生强爲魏强氏

蜚廉

史記秦嬴姓有蜚廉氏

九御

御

周禮有御人職因官氏焉左傳有御叔漢有御長侑者丞相公孫弘故人

恕

楚大夫恕金

據

見姓苑云人姓

鑪

見姓苑云人姓

茹

河南官氏志普陋茹氏改爲茹氏又蠕蠕入中國亦爲茹

氏音去聲

御龍

劉累之後漢有侍御史御龍君

庶其

邾大夫庶其之後今沛人

庶長

秦爵也因氏焉左傳庶長無地

十遇

遇

風俗通漢有東安太守遇冲

東莞 姓苑云東莞有遇氏

樹

河南 姓苑云今河東有此姓

河南 官氏志千氏改爲樹

案魏書樹洛千氏後改爲樹氏此脫二字

附

後漢段熲將附都唐監察御史附德意

絮

姓去聲漢書張敞傳有京兆捕賊掾絮舜謂敞爲五日京兆

敞殺之

氏族略

鑄

風俗通鑄國也堯後也在濟北虵邱縣左傳臧宣叔娶于鑄

後世以國爲氏

務

堯有務成子見易傳列仙傳務光夏時人

喻

見姓苑亦音樹

南昌 姓苑云南昌有喻氏東晉有喻歸撰西河記三卷

具

左傳晉有具丙

魏郡 後漢宦者中常侍具瑗

住

見姓苑云人姓

傅

殷相說之後築於傅巖因以為姓北地人漢末傅氏居南陽

祕笈  
新書

樹機

西河鮮卑種魏詰汾長子疋孤部落徙河西傳六世樹機能

有涼州

樹黎

後魏有蠕蠕別帥樹黎勿地來降

務成

呂氏春秋務成子堯師也又新序子夏曰舜學于務成附

趣馬

英賢傳楚趣馬厥之後後漢有南陽郡功曹趣馬思

具封

鄭公子具食采開封因氏焉鄭大夫具封狐人

十一幕

路

炎帝之後黃帝封其支子於路春秋時路子嬰兒是也

案春秋路

子嬰兒之路作路今上黨路縣漢大中大夫路溫舒

平陽 漢扶離侯路博德始居平陽今隸貝州裔孫嘉晉安

東太守孫藻生纂纂生濤後魏青州刺史生綽神龜綽後魏

陽平太守生寄奴侍愛案唐世系表濤生寄奴侍慶據此則寄奴乃濤孫也愛作慶思令

侍愛安州刺史思令生君儒北齊員外君儒生德準案唐世系表德

準作德淮唐相州刺史生勵言勵節勵言兵部員外曹州刺史生

欽正欽古勵節刑部郎中華州刺史生欽訓鞏令案唐世系表德淮子

勵行鞏令神龜後魏恆州刺史五代孫文逸案唐世系表當作六代唐中司

馬案唐中司馬唐世系表作中州生敬澹敬澄敬渾敬湛敬潛敬湛雍州倉

曹生暢敬潛中書舍人生廣心大理司直廣心生常兼監察

御史隋青州別駕路元伯構案此疑有脫誤藻次子纂六代孫也生

操唐棗陽令操生遂元寂元真元隱元隱元萬年主簿生恆

恂澄愉恆戶部郎中太僕少卿恂左補闕生鈞銛鈞河南

功曹生惟衡兼殿中御史惟明監察御史銛生寰江西觀察

兼中丞京兆三原稱與勵行同承藻藻子建建六代孫充隋

兵部侍郎案唐世系表充作克生文昇唐平愛秦三州刺史生元濬案唐

世系表元濬作元元哲元濬司勳吏部二郎中廣州都督生幼玉監

察御史案唐世系表幼玉生齊暉齊暉生畿季登生季登幾

幾監察御史生長興季登諫議大夫生羣羣生巖嶽叡少子

晚金果州刺史元哲生太一太原令太一生梁客劔客梁客

岳州刺史生黃中案唐世系表梁客生愆劔客改名嗣恭戶

部尚書廣州都督生應恕憑應宣欵觀察恕太子詹事鄜坊

節度使生異化州刺史異生楷司農卿憑侍御史

潁川石趙有揚州刺史路水襄城陳留安定並舊望云溫

舒之後

東陽 梁天監十八州譜路氏一卷東陽鉅鹿譜舊望

河南 後魏官氏志設真氏改爲路

露

露伯夏殷侯國也子孫以國爲氏焉露氏譜越王句踐七代  
孫閩君搖漢封東甌王搖別封其子爲露余侯因氏焉初居  
會稽吳郡涉分會稽爲吳郡遂爲郡人吳丞相露雍弟徽侍  
中又居鹽官徽十代孫越陳黃門侍郎生允唐著作郎撰國  
史餘杭公生琮尙書左丞天官侍郎平章事生潤俊潤祕書  
監俊齊安太守宋倉部郎中露訓稱與琮皆周丞相徽後六  
代孫纘鄆州刺史又吏部尙書露少連著作郎露沈並吳人

案唐書無露琮又吳志無露雍  
或因上路氏家譜牽連及之

步

左傳晉大夫步揚之先食采於步因氏焉又有步昭步毅本  
郤氏仲尼弟子步叔乘齊人

臨淮 吳丞相臨淮侯步騭生闡丞相吳志有傳

河南 官氏志步鹿氏改爲步氏

庫

風俗通古守庫大夫因官命氏漢文景時有倉氏庫氏後漢  
竇融傳有庫輔庫義庫侯

河南 官氏志庫儻後改爲庫氏

顧

顧伯夏殷侯國也子孫以國氏焉顧氏譜云越王句踐七代  
孫闡君搖漢封東甌搖別封其子爲顧余侯因氏焉漢初居

會稽祕笈新書風俗通有上黨都尉顧平

度

古掌度支之官因以命氏

潞

國語潞泉潞備皆赤狄隗姓也

慕容

高辛少子居東北夷後徙遼西號鮮卑國于昌黎棘城至涉歸爲鮮卑單于自云慕二儀之德繼三光之容或云以冠步搖步搖冠音訛改爲慕容氏

昌黎 涉歸生虜虜生皝皝生雋號前燕初都棘城弟垂號後燕都中山弟德號南燕都廣固徙東郡三燕七主共五十餘年郢子恪前燕太原王生楷騰瑾曾孫恃德北齊義安王

孫孝幹唐易州刺史郁孫紹宗北齊僕射武威公生三藏隋  
金紫光祿大夫孫知廉侍御史知晦兵部郎中汾州刺史知  
晦生珣吏部侍郎珣生損渝州刺史三藏再從孫善行萬年  
丞條史琚生白曜榮

案此疑有脫文

慕容五代孫沖仲

慕利

後魏有吐谷渾主慕利賢與慕容氏同祖也

慕輿

鮮卑慕容氏音訛爲慕輿氏

庫狄

鮮卑段疋磾之後避難改姓庫狄居代北後遷中夏

河南 後魏上洛太守庫狄陵生保真保真生峙周宣州刺

史生疑徽崧徽生璠益州總管樂成公崧生仁志千牛郎中

仁志生益利益利生履溫庫部郎中庫成

風俗通云本亦苦城也方言音變為庫城燉煌實錄廣平太

守庫成防從孫道

素和

鮮卑檀石槐之支裔後魏有尙書素和跋弟毗右將軍素和  
突後魏書云以本白部故號素和孝文改為和氏

河南 大曆太子左學士素和顏

路洛

伯益支孫又以路洛為氏晉路洛賈見史記

步大汗

出自塞北遷中土河南周南夏州刺史新興侯步大汗提生

勢勢生威唐蔚州刺史安邑男  
案北齊書步大汗薩隨余朱入洛齊受禪改封義陽郡公

庫儻管

改爲庫氏前燕錄有岐山公庫儻管泥生律後燕太師安定王又有西河公庫儻管樂大司農庫儻管紇

庫六斤

改爲斤氏

大洛稽

改爲稽氏

破六韓

其先代人隨魏南徙河南後魏金紫光祿大夫破六韓祥生常北齊司徒平陽導昇北齊饒同林松王生金藏唐岐州別駕後魏又有莫駕侯利嚴破六韓渾生枝枝生景隋東武公景生蕃唐宋州刺史始興男匡矩

案呼廚貌後爲潘六奚後又訛爲破六韓破六韓常

乃孔雀之子  
此云祥誤

破也頭

與費也頭同

破落那

大宛之後改爲那氏

十二霽

惠

周惠王支孫以諡爲姓戰國惠施爲梁相交趾太守惠乘太

僕惠根

瑯琊 惠根孫嚳爲北海太守子孫因居瑯琊後漢有揚州

刺史惠整吳人吳侍中惠謙晉陵太守惠松宋步兵校尉惠

纂

吞桂音

或作炅漢衛尉吞橫彭城漢上計掾吞景雲見姓苑

城陽 後漢陳球碑城陽炅橫被誅有四子守墳墓改姓炅  
氏一子居徐州郡雲之先也姓吞氏一子居幽州姓桂氏一  
子居華陰姓炅氏字皆九晝以避難也魏志呂虔傳胡陸有  
炅母

計

國語計然爲越大夫范蠡師云本夔邱濮上人姓辛字文子  
其先晉國公子也風俗通漢計子勳爲司空掾

薊

神仙傳薊子訓不知何許人

勵

風俗通後漢魏郡太守義陽侯勵溫見功臣表吳志以孫秀  
奔魏改姓勵氏

稅

盛弘之荊州記云建平信陵縣有稅氏昔君王巴蜀

案荊州記作蜀

王欒君此脫

蜀王見廩君兵強結好飲宴以稅氏五十人遺廩君

羿

左傳有窮后羿篡夏后相之位

秋

王莽大司馬秋並見姓苑

第五

出自齊諸田之後田氏漢初徙奉園陵者故多以次第為氏  
京兆長陵後漢司空第五倫字伯魚生頡將作大監匠倫

曾孫種兗州刺史又護羌校尉第五訪亦京兆人

上元黃門侍郎平章事第五琦生峰平申峰台州刺史平京

兆兵曹申兼御史中丞

### 第八

陳留 風俗通亦齊諸田之後田廣弟英為第八門因氏焉

王莽時講學大夫第八矯

### 荔菲

西羌種類也隋有荔菲雄涇州人唐彭州刺史荔菲案此下脫名通

志亦闕名曰某生寶應節度荔菲元禮寧州人

### 十三祭

### 衛

周文王第八子康叔封于衛傳國四十餘代秦末國滅子孫

以國爲氏漢丞相建侯衛綰

河東安邑縣 狀云晉太保衛瓘生恆恆生玠裔孫隋虞州刺史神泉公盛盛生孝節唐左武衛大將軍

安邑 後魏步兵校尉衛臥龍亦稱玠後五代孫知敏唐給

事中吏部郎中汝州刺史生固損弘敏三從弟元經蘄州刺

史戶部郎中衛畿道徙京兆水部員外衛惟良亦安邑人虞

部員外巴今陝號觀察衛次公御史中丞循王傳衛晏子中

行今禮部員外國子司業衛密子開元衛堪弟倚生象侍御

史並河東安邑人大曆檢校戶部尙書荆南節度使衛伯玉

### 三原人

### 芮

左傳周司徒芮伯周姓國也芮伯萬之後爲晉所滅漢鉅鹿

太守芮彊吳郡太守芮珍丹陽人今望扶風

彘

左傳士會支子士魴食采於彘邑在平陽北故號恭子

裔

見姓苑

祭北

國名也女為舜妃黃帝史官子孫因氏焉馮翊衙縣人

案姓氏

證引作  
祭北

十四泰

蔡

周文王第十四子蔡叔度生蔡仲胡受封蔡後為趙所滅子孫以國為氏晉有蔡墨秦相蔡澤漢功臣表肥如侯蔡演演

元孫義義元孫勳後漢爲長安邳長後徵不起勳曾孫攜

濟陽考城縣 攜生稜質稜生邕質始居陳留分爲濟陽因

爲郡人質元孫克從祖謨晉永嘉同過江克六代孫點梁司

空安豐公孫秦客唐金部郎中客姪眞清蘄州刺史大業後

梁左案此下有脫文戶部尙書生克恭秦府學士太子洗馬質元孫

克生晉司徒謨謨元孫興宗吏部尙書生樽樽孫凝凝子曷

和

南陽 魏有蔡睦晉有蔡秀秀八代孫麗梁瑯琊太守元孫

杭唐左武侯長史

朔方 漢末丕爲五原太守因居之裔孫招元孫澄唐左衛

郎將

丹陽 狀云質後唐司勳郎中希寂

艾

晏子春秋齊大夫艾孔之後卽左傳裔款也風俗通龐儉母艾氏南燕有牙門艾江又東平太守艾詮

北平 唐御史大夫艾敬直

河南 官氏志俟斤去斤並改艾 案魏志俟伏斤氏改伏侯伏斤改斤

賴

左傳賴國爲楚所滅以國爲氏漢有交趾太守賴先蜀零陵太守賴文唐光祿少卿賴文雅

南康 唐祕書郎裴本汀州人後魏虔州 案此下有脫文

大

風俗通大庭氏之後又大填大山稽黃帝師大穎爲顓頊師

案古今人表穎作款禮記曰大連東夷之子

會

鄒仲之後避難去邑爲會氏風俗通云陸終之子乙之後漢武陽令會相

太

尙書文王四友太顛之後今咸陽有太氏

帶

六國時有帶他見姓苑

兌

見姓苑

太傅

漢有太子太傅疏廣曾孫彥則避王莽亂於太原因氏焉

太陽

風俗通衛大夫太陽速晉有太陽狀爲卿

案左傳爲戲陽速

太士

太士氏永嘉人建安太守太士靈秀今松陽有此氏

太師

商有太師摯周有太師疵

案玉篇無疵字疑卽疵字

太伯

周古公之子吳太伯之後

大羅

周禮大羅氏掌鳥獸其後以官爲氏秦有將軍大羅洪

大季

世本鄭穆公生大季子孔志父之後

案杜預世譜士子孔生大季士子孔穆公子也

此誤

大臨

衛大夫大臨

蔡仲

蔡仲胡之後趙將有蔡仲其

會庠氏

衛靈公子虺生竈為會庠氏

氏族略

十五卦

解北

改為解後魏別帥解北莫弗憐豆建

十六怪

祭音債

左傳周公第五子祭伯子孫以國為氏鄭有祭仲足周有祭

公謀父

蒯

風俗通云晉大夫蒯得之後見左傳禮記漢有蒯徹

涿郡范陽縣

漢書齊辯士蒯通本名徹與漢武帝同名遂

改又有上庸長蒯躬後漢末有蒯越字異度官至光祿勳生

宗蘭陵丞宗生恩

介

左傳有介之推琴操作介子綏神仙傳吳有介琰介象

十七夬

快

漢書齊人快欽治尙書

元和姓纂卷八

元和姓纂卷九

唐林寶撰

陽湖孫星衍

歙洪瑩同校

十八隊

背

古鄆國在今衛州或作背以國爲姓

內史

風俗通周內史叔興之後因官氏焉周又有內史過

十九代

代

代君翟國也在常山之北今代州是也趙襄子所滅其遺族以代爲姓史記趙有代舉漢有京兆代武

能音耐

姓苑云長廣人狀云楚熊摯之後避難改爲能氏

京兆 唐京兆少尹能延休鄆縣人上元中眞州刺史檢校  
刑部尙書河北招討使能元皓生昱昱太僕少卿

佾如代反

晉山公集有佾湛

戴

宋戴公之後以諡爲姓宋大夫戴惡漢有信都太守戴德九  
江太守戴聖後漢有司徒戴就晉有戴逵宋有戴法興齊有  
戴僧靜

濟北 戴涉之後

譙國 戴逵之後逵弟邈大司農廣信侯

吳興長城 晉有戴洋入方術傳

魏郡斥邱 狀云戴德之後裔孫景珍後魏司州從事景珍  
生胄唐吏部尚書參知政事生道國公仲孫不仕仲孫生至  
德右僕射道國公生良紹

河東桑泉 狀云涉後唐司勳員外郎戴林珽生頎水部員  
外

載

左傳有載國漢有載戴

二十一震

晉

周武王第三子叔虞封唐唐有晉水因改爲晉傳國二十代  
爲韓趙魏所滅子孫以國爲姓魏有晉鄙漢有晉寶爲樂安  
相

平陽 三輔決錄魏有晉文經漢有晉馮晉有尙書郎晉灼  
註漢書其先居平陽十代孫魏瓜州刺史廣至公暉居馮翊  
平東隋內史侍郎建平公暉孫昶後周兵部尙書魏公衍元  
孫揆合州刺史

案衍字之上有脫文

藺

音吝

韓厥元孫康仕趙食采於藺因氏焉裔孫相如爲趙上卿子  
孫仕秦隨司馬錯伐蜀因家成都

華陰鄭縣 魏末自蜀歸關中因居鄭縣裔孫維晉泰山太  
守維八代孫衡子仁志殿中監生嗣忠戶部員外暮左武侯  
大將軍楊國公

古忞字

案上脫一字

纂要文云人姓

進

後漢有進延為小黃門令見華嶠後漢書

遴音吝

風俗通遴到云韓大天著遴子三十篇晉有東陽太守遴條

允寅去聲

風俗通允夏時侯國子孫氏焉

信都

風俗通云張敖尚魯元公主於信都因氏焉一云本申屠氏古信申音同故為信都氏北齊有信都芳河閒信都芳明算術為丞相倉曹貞元初李納將信都承慶為青州刺史

二十三問

奮

畢奮之後一云芮伯奮之後以王父字爲氏孟軻門人奮章

扶風 後漢二十八將右將軍槐里侯奮修吳志丞相奮式

前涼有奮寬開元有奮齊融案所引人姓名皆以萬爲奮

河南 官氏志吐萬氏改爲奮氏隋有穀成公奮緒弟纘唐

右武衛將軍

運

見姓苑

二十四炊

靳

風俗通楚大夫靳歙案靳尙見史記楚懷王時人靳歙見漢書漢高祖時人應劭不應錯謬至此疑

當作楚大夫靳尙漢有信武侯靳歙又汾陽侯靳強傳寫脫落其文耳又汾陽侯靳強後漢末

范令靳先後燕錄有太史令鴈門靳安唐金紫光祿大夫靳

孝謨武功人吏部郎中靳恆館陶人又居汝南  
二十五願

蔓

左傳楚有鬪成然食采於蔓後爲蔓氏

獻

風俗通云晉獻公之後戰國有獻淵

建

風俗通云楚太子建之後漢有建公見元后傳

憲

周之憲官司寇之屬也急就章有憲義渠

氏族略

曼邱

尸子有曼邱氏齊有曼邱不擇

二十六恩

論

吐蕃大姓東祿讚生論欽陵論欽陵生贊婆贊婆生弓仁唐  
右武衛大將軍弓仁生成節成節生惟貞惟明惟賢惟貞右  
金吾大將軍生慘偕伍惟明檢校工部尙書鄜坊節度惟賢  
右羽林大將軍

頓

風俗通頓子國今南頓是也後爲楚所滅子孫以國爲氏漢  
有頓肅

二十八翰

幹

見姓苑

幹獻

晉大夫范臯夷食采幹獻因氏焉

二十九換

段

鄭武公子其叔段之後以王父字為氏戰國韓相段規三輔

決錄云段氏李老君之自出段干木之子隱如入關去干為

段氏

案段干氏羅泌謂初邑段後邑干因邑為氏魏世家有段干子田世家有段干朋風俗通以為姓段名干木蓋

以呂氏春秋干木富於義魏都賦干木之德自解紛之言誤之唐表遂謂封段為干木大夫疎矣又木子名同為趙相無

隱如名此云入關為段氏亦屬傳會且春秋時以段名者如鄭印段公孫段宋褚師段或其後以名為氏亦未可知未必

定為其文帝時段印為北地都尉曾孫招生會宗貞會宗金

城太守貞武威太守子孫始居武威九代至頴武威西涼建

康太守段信稱太尉頴七代孫也信生連連生榮後魏定秦

二州刺史生孝先名詔

案北齊書紹作詔

北齊大宰左丞相平原忠

武王婁大張掖公

案韶傳封爵無張掖公字且韶三子懿深亮亦無寶積元名當有脫誤

生寶

積元尚書左丞刑部侍郎大理少卿生嗣元嗣道嗣基嗣元

地官侍郎鄭州刺史生崇謙嗣基東光令生崇簡右衛將軍

鄭州刺史崇簡生澄協怡澄少府監協太子舍人生孟嘗信

陵嗣道司僕少卿裔州刺史德操右監門大將軍

案德操上有脫文

平原公五代孫楹大理司直隋朔二州刺史段嚴狀云信次

子後魏平東將軍基後生達隋吏部尚書東京畱守達生瑋

唐殷州刺史瑋生懷節右武將軍曾孫成象生平仲尚書左

丞齊郡鄒平縣印十九代孫紛

案唐世系表十代作十四代

後魏晉興太

守五代孫偃師唐太子家令今貫河南偃師生志元左驍衛

大將軍生懷古懷藝懷簡

案唐世系表志元生瓚瓚珪瓚生懷簡此作志元生懷簡中缺一代

懷藝坊州刺史少詹事璽符璽郎朝邑令生懷昶懷晏懷皎

懷昶德州參軍生文昌案唐世系表懷昶生諤諤生文昌此作懷昶生文昌中缺一代左補

闕長慶太和中書侍郎西川淮南京東三節度生成式珪成

式宣州長史生懷本洛州太守禮部郎中蘇州刺史同居滎

陽中牟狀云滎陽少子孝方之後

汧陽 司農卿贈太尉忠烈公段秀實本武威疑右驍衛將

軍郇坊州刺史

遼西 鮮卑檀石槐之後晉有段陸眷孫務勿座居遼西令

支生匹磾受欲鹿段案晉書段匹磾之父務勿座勿座死子疾陸眷嗣匹磾為晉假撫軍大將軍死

石勒之難惟未波存及未波死子牙立牙死其後從祖八代就陸眷之孫遼立此陸眷之孫務勿座云云舛錯殊甚

孫文振隋兵部尙書北平侯又原北海斯原生確綸確唐御

史大夫生孝機中書舍人孝叡洛州刺史生庭瑜機生粹徵

粹化州刺史徵殿前侍御史綸工部尙書駙馬都尉紀國公  
生孝爽文振四從姪子榮周潤州刺史孫高唐廬州刺史  
諸郡段氏 左金吾大將軍鄜坊節度段奇京兆人生岌嵩  
粵汾原節度檢校兵部尙書祐雲南狀云魏末段延沒蠻代  
爲渠帥裔孫憑入朝拜雲南刺史孫左領大將軍生子光子  
游子英子光試太僕卿長川王生秀試太常卿子英率府遂  
郡王神營州兵馬使

貫

戰國策齊有貫殊漢有貫高儒林傳貫公長卿後漢居延都

尉貫友後趙貫志

姓氏急  
就章

灌

風俗通斟灌氏夏諸侯也子孫以國氏焉漢丞相潁陰侯灌

嬰嬰孫賢汝陰侯案漢書賢汝陰侯神仙傳灌叔本漢太僕卿灌夫

父張孟常為嬰舍人易姓灌氏列仙傳有灌光

爨

後漢河南戶爨肅見謝承後漢書蜀志交阯刺史爨琛案廣韻琛

作深建寧大姓也又寧州刺史爨頌華陽國志爨習官至領軍

昌寧大姓也

冠

姓苑云有此姓云冠高帝之後

冠軍

漢霍去病封冠軍侯支孫因氏焉

襄陽 漢有太傅東海王參軍冠軍夷案句有脫誤

三十諫

諫

周禮有司諫子系以官為氏

晏

左傳晏桓子名弱齊公族生嬰字平仲晏父戎晏父釐並其

族也

據祕笈新書增

漢司隸校尉晏南漢書御史晏忠見風俗通南

燕有晏漢

參龍

古颺叔安裔子

三十一 欄

蘭

亡竟切

姓苑云人姓

三十二 霰

燃女見

見纂要今同州有此姓

練

見姓苑云人姓

見

見姓苑云人姓

薦

見姓苑云人姓

縣潘

衛大夫有縣潘氏

三十三線

卞

出自姬姓曹叔振鐸之後支庶食采於卞因以氏焉魯有卞

莊子楚卞和濟陰冤句人

案晉書卞壺之父曰粹壺之子眡肝瞻眡眡肝殉父難一贈散騎侍

郎一贈奉車都尉瞻位至廣州刺史眡尙書郎姓纂既缺引忠貞又紊其世次至濟陰冤句爲忠孝之里而綴之卞和之

下尤穿鑿不經魏卞指生統爲晉瑯琊內史生粹中書令子眡眡

瞻又桓元長史卞範之宋卞彬

賤

風俗通漢左北平太守賤瓊

單

可單氏改爲單氏

眷

代北菴眷氏改爲眷氏

變

見姓苑云人姓

戰

後漢初戰兢爲諫議大夫

三十五笑

邵

邵公奭周同姓受封於燕傳國四十餘代其支庶爲卿士邵穆公武公邵廖邵昭公並其後也秦有邵不疑

汝南 漢汝南太守邵安唐都官郎中邵昇自安陽徙汝南弟昚考功員外

安陽 狀云稱信臣之後青州刺史邵休其先避事加邑爲邵氏晉邵奇壽春太守五代孫知新唐刑部郎中又殿中御史邵瓊之相州安陽人生摯說摯監察御史生中和說吏部

侍郎生渾滄

少

少昊氏之後一云少典之後禮記少連善居喪東夷之子

召

召公奭之後或作召齊召忽漢功臣廣侯召歐又南陽太守

召信臣生馴孫休

案通志休作材

邵皓

世本惠公族羌子孫憲為邵皓氏

召伯

左傳召伯奭

氏族略作奭

之後

少室

國語少室周趙簡子右也

三十六效

校

出自周官校人之後以官為姓天寶河南士曹校傑

孝

齊孝公支孫以諡為姓

淖

楚將淖齒氏族

三十七號

郜

國名在濟陰以國為姓

定安 唐殿中御史陝州刺史郜弘基生貞鉏虞部員外郎

鉏即中書令張柬之之甥也

元口生真卷九

暴

暴公周卿士見毛詩應劭風俗通云暴辛周諸侯也漢書御史大夫暴勝之字公子河東人

浩

音告

今隰州刺史浩聿狀云郤氏因避難改爲浩氏聿子

下闕

漕

漢書游俠傳漕仲叔西河人少子游亦以俠聞

嫪

郎到切

秦莊襄太后有嬖人嫪毐

到

楚令尹屈到之後以王父字爲氏

好

大報反

見纂要文

三十八箇

賀

姜姓齊公族慶父之後慶克生慶封以罪奔吳漢末徙會稽山陰後漢慶儀爲汝陰令慶普之後也曾孫純避漢安帝父諱始改賀氏孫齊吳大將軍齊孫中書令劭劭生晉太子太傅修修十二代唐太子中書舍人德仁德仁姪孫彭州刺史默德仁姪曾孫太子賓客知章生曾

河南 官氏志賀蘭氏賀賴氏並改姓賀

賀拔

與後魏同出陰山代爲酋長北人謂地爲拔謂其總有其地時人相賀因氏焉

河南洛陽

後魏有賀拔爾頭自武州爲河南人生拔拔生

允勝岳允後魏太尉燕郡王尙書令勝太師瑯琊公岳雍州

刺史關西清水公岳曾孫儼唐右監門將軍孫延嗣度支郎

中右金吾將軍爾頭少子生仁後魏太宰安定王孫賀拔一

云給事中元正司門郎中長慶中進士賀拔蔥

案賀拔其心與白敏中友

善見唐摭言此作蔥疑誤

### 賀蘭

代居元朔隨魏南遷河洛魏以忠貞爲賀蘭因命以氏孝文

時代人咸改單姓唯賀蘭氏不改遠祖達羅安樂王

河南洛陽

達羅統生敦誼周金州總管武都公生崇弼東

崇孫儼湖州刺史弼隋陽州總管宋公生懷廓懷默懷武懷

廓唐禮部郎中懷默穀州刺史杞公東周榮公生孝義唐尙

書左丞生景約景慎景約杞王司馬生憚憚生庭芝憚生  
誕誕生察給事中察生公遂景慎兵部郎中生誼隋靈州刺  
史海陵公

賀婁

代人本居漢北以國爲氏孝文改爲樓氏

河南 後魏鎮西大將軍廣陵王賀婁伏蓮生大拔蒙曾孫  
行本唐鳳州刺史梁公泉武安公寶後魏太子太傅廣平伯  
生景賢陽平公景賢生詮詮子幹隋鉅鹿公生積唐太子舍  
人

賀遂

本居元朔隨魏南徙孝文改房氏

河南 唐引仁府統軍賀遂豐生封渭源縣公貫蓋屋

案姓  
氏辯

証屋引條云唐雲麾將軍屋引弘生  
統軍豐豐生渭南郡公封從此有誤

賀悅

賀遂氏音訛為賀悅今關西有此姓焉後周柱國太尉李弼

賜姓賀悅氏

賀術

魏初賀術祁居質安山因以為氏焉

賀谷

今關中有此姓氏族略

三十九過

播

風俗通播鼗武殷末之賢人

案古今人表注曰自師  
擊以下八人皆殷末人

四十禡

華

宋戴公子考父說食采於華因氏焉華督據祕笈新書增華元華宣

華亥並為宋卿漢功臣表華母害傳封四代又華成華嬰

平源高堂 華嬰元孫魏司徒博平侯華歆生表表生虞嶠

虞生垣又華譚為祕書監齊華寶隋孝義傳汲郡華秋

沛國譙縣 魏志華佗

謝

姜姓炎帝之允申伯以周宣王舅受封於謝今汝南謝城是

也後失爵以國為氏焉魯有謝息據祕笈新書增

射

三輔決錄云後漢末鴻臚射服天子以服為將軍出征姓射

名服不祥也改姓謝名咸子登授登蜀郡太守授中郎將

柘

楚大夫以地為氏急就章漢有柘溫舒

聿

案廣韻音同嘸姓也

風俗通云新鄭人楊聿村在縣西二十五里

舍

見姓苑

晉

亞音

見纂要

舍利

北蕃酋帥有吐密支頡利後姓執矢氏生思力唐右驍衛大將軍定襄州都督駙馬都尉尙高祖女九江公立生紹德紹

宗師仁歸真也

謝邱

風俗通周宣王支子食采謝邱因氏焉漢書古今人表魯有

謝邱章

下軍

左傳晉將欒黶爲下軍大夫子孫氏焉

亞飯

殷末賢人亞飯干之後

四十一漾

向

宋桓公向父肸肸孫戌爲左師子孫氏焉向爲人向寧鄭向  
宜並其後後漢有向長字子平

河內山陽 後漢侍中向栩五代孫秀黃門侍郎後漢又有

向韶生雄琰雄晉河南尹琰生秀黃門侍郎宋有向彌並河

內人

案琰生秀因上文脫誤

汲郡 唐戶部尚書向衡子振總向長之後

暢

陳畱風俗傳有暢悅河東人狀云本望魏郡瓘子當悅子偃

又詩人暢諸汝州人許昌尉

諒

後漢諒輔為洛陽令廣漢人

上尹

左傳楚上尹壽之後禮記楚上尹商陽

案左傳上尹禮記亦作工尹此誤

上成

後漢書密縣上成公白日昇天

上梁

莊子有上梁倚

上官

楚王子蘭為上官邑大夫因氏焉

祕笈新書

尙方

傅餘願複姓錄有尙方氏

匠麗

鄭穆公時匠麗寇之後著書八篇

唱盆

改為溫氏

四十二岩

伉音抗

晉有漢中大夫伉嘉

四十三映

孟

魯桓公子慶父之後號曰孟孫因以為氏又衛襄公長子孟

縶之後亦曰孟氏齊有孟軻字子展

祕笈新書作輿

秦有孟說

平昌安邱縣 孟敬子生滕伯伯生廖廖生軻居高密置平

昌郡因為郡人漢孟觀二十二代孫說說生倕刑部郎中孫

簡常州刺史觀孫珩又居相州珩十一代孫唐禮部尙書溫

子皓曉暄睥皓本大令生遂曉左補闕暄生迢河陰令睥右

丞京兆尹生通述逢迪述逢司農少卿迪大理少卿

東海 漢孟卿以學顯名

鉅鹿 後漢孟敏

武威 後梁孟禕

江夏武昌 吳侍中孟宗晉孟嘉弟陋

案晉書孟陋為孟宗之曾孫

宋孟

昶封臨淮公弟顓兄弟為僕射

敬

陳厲公子敬仲之後以諡為氏姓苑云黃帝孫敬康之後秦

有敬丕子教為平陽太守

平陽 敬教子孫因官家焉裔孫歆漢末為揚州刺史六代

孫頻後魏北平太守曾孫顯攜北齊僕射永安公弟法明法

筵曾孫仁綱生彥琮山松仙客彥琮唐愛州刺史山松澄城

令生暉皎暉右丞侍中平陽王生讓誠詢諲讓尙舍奉御誠

魯郡太守右威武大將軍詢比部員外郎仙客蔚州刺史法

明曾孫君弘右衛將軍黔昌公孫昭道

河東 狀稱望平陽南涼枹罕太守敬歸七代孫播唐給事中  
中監國使生非虞部員外播三從孫昭道監察御史生羽侍  
御史三從兄弟昶許州司馬生令則臨汾令令則生德焘德  
祕書郎生揖擢括撫揖太子家令生寰寓括字叔弓兵部侍  
郎御史大夫生騫密寬寬京兆尹生昕晦睥煦騫建州刺史  
生性安大理評事撫太子舍人焘給事中生挺

廣平 敬歆後今無聞

慶

姓苑慶父之後慶克慶封慶封奔吳子孫徙下邳漢東平太

守普治禮案陸德明釋文序目慶普治禮記漢東平太傅作太守誤又陳卿慶餘案左傳陳有慶

虎慶寅慶餘未詳晉慶鄭漢末慶氏自下邳又徙會稽慶鴻洛陽人

慶儀後漢汝陰令孫慶輔子侍中質諱姓賀氏案前賀姓姓纂云賀純避

漢安帝諱改賀氏  
此云質與前不合

竟

見姓苑有竟氏

慶師

見姓苑

四十五勁

鄭

周厲王少子受封於鄭是爲桓公在畿內今華州鄭縣是也  
威公生武公與晉文公夾輔平王東遷於洛鄭徙溱洧之間  
謂之新鄭傳封十三代至幽公爲韓所滅子孫播於陳宋以  
國爲氏幽公六代孫榮號鄭君生當時漢大司農

滎陽開封 當時六代孫穉漢末自陳徙河南開封晉置滎

陽郡開封隸焉遂爲郡人穉孫興興生眾後漢大司農曾孫  
熙生秦渾渾魏少府生崇晉荊州刺史曾孫略前趙侍中生  
豁楚楚生溫燕太子詹事生三子睦恬蘭睦號北祖恬號中  
祖蘭號南祖睦七子白麟小白叔夜洞林歸藏連山幼麟因  
號七房鄭氏

盛

周同姓國也爲齊所滅穆天子傳盛姬姓之國也公羊傳云  
成降於齊師成者盛也諱滅同姓故言成也

廣陵 吳有盛冲晉有盛彥事母孝仕至中書侍郎又錢唐  
令疑唐左驍衛將軍滄州總管盛彥師

聖

見姓苑

正令

其先周官儀僕掌貳車正令因氏焉家語有正令赤秦人孫

子弟子案家語無此名孫子弟子亦有脫誤

### 四十六徑

甯

衛康叔之後至武公生季亶食采於甯弟頃叔生跪跪孫速

速生武子兪兪生殖殖生悼子喜九世卿族案左傳魯莊公六年放甯跪於

秦魯哀公四年衛甯跪救范氏春秋有兩甯跪杜預皆未詳其系又成公二年衛侯使甯相聘齊杜預注甯相甯兪子又

成公十四年衛侯饗苦成叔甯惠子相即甯殖也杜預不註其系然則甯相乃甯兪之子未聞生殖也又襄公二十五年

傳曰九世之卿族一朝而滅之杜預注甯氏出齊有甯戚周

有甯越

安平 魏京兆太守甯康

洛陽 晉甯欽

華陰 狀云昶後唐吏部侍郎甯允忠

河東 漢太僕甯成代居河東又餘杭令武

欽州 梁有愛州刺史甯達居欽州甯頃曾孫師表師宗師表唐領軍大將軍沈國公師宗孫愷諫議大夫撰國史

四十七證

乘馬

漢書溝洫志有諫議大夫乘馬延年又張掖有乘馬敷

四十八證

鄧

曼姓殷時侯國也春秋時鄧侯吾離朝魯後爲楚文王所滅

子孫以國爲氏鄭有鄧祁

案左傳鄧析此作祁誤

南陽 後漢太傅高密侯鄧禹其先居南陽子震嗣次子訓  
女和帝皇后襲封昌安侯少子珍封夷安侯晉永嘉亂居丹  
陽陳亡入長安禹裔孫乾南陽城太守乾曾孫曷唐魏州刺  
史臨川公曷孫憚刑部尙書淮陽子生汪沖溫洋洋比部員  
外溫杭州刺史

安定 隲七代孫晉生武威太守因居安定始家焉子羌苻  
秦并州牧左僕射羌裔孫表唐兵部郎中南陽伯又居藍田  
素子元挺吏部侍郎元機兵部郎中又著作郎鄧行儼亦云  
羌後隲裔孫唐尙書右丞揚州長史景山代居洛陽  
平陽 晉右僕射鄧攸字伯道亦禹之後兄子俊

長沙 太傅禹後晉有鄧粲荊州刺史爲桓沖別駕

陳郡 太傅禹之後晉有鄧嶽爲廣州刺史子遐號爲名將

鄧陵

楚公子食邑鄧陵因氏焉鄧陵子著書見韓子

四十九宥

富

左傳周大夫富辰之後又魯大夫富父終甥之後亦單姓富鄭大夫有富子猶

陳畱 漢有富畱人爲公田使者見風俗通陳畱先賢傳有陳畱太守富允又唐晉陽尉富嘉謨

蘭陵 魏志富襲字熙伯伯生之後也爲尙書令著論語解前燕錄富愷蘭陵人

廖力救反

風俗通古有廖叔安左傳作颺蓋其後也漢有廖顛爲鉅鹿

太守

汝南 平輿人漢方士廖狀生孟舉仲舉

襄陽 蜀志有廖化為大將軍中鄉侯襄陽人

武陵臨沅 後漢桂陽太守廖祁又蜀志廖湛廖立廖位至

侍中長水校尉案蜀志廖立位至長水校尉廖字係立字之誤

副

風俗通周公忌父之後以王父字為氏案魏志副呂氏改為副氏又為呂氏此言

忌父後為副氏當有脫誤

舊

見姓苑

河南 官氏志菟賴氏改為舊氏案後魏志菟賴氏就賴氏俱改為就氏無舊氏姓纂

已載於就氏下此重出

就

見姓苑

河南 後魏官氏志菟賴氏爲就氏

晝

風俗通齊大夫食采晝邑因氏焉

右

晉屠擊將右行因氏焉

授

見姓苑

富父

魯富父終甥之後見左傳魯又有大夫富父槐

廆尹

楚大夫廆尹然之後

五十候

竇

姒姓夏少康之後帝相遭有窮之難其妃后緡方娠逃出自竇而生少康支孫以竇爲氏至周世爲大夫竇犇爲晉大夫仕趙簡子裔孫漢丞相嬰

扶風 竇嬰之先本居清河觀津後徙扶風平陵漢章武侯竇廣德女爲文帝皇后生景德兄子彭祖南皮侯兄子彭嬰魏其侯嬰七代孫融後漢大司空安豐侯生穆穆生勳勳生憲憲大將軍武陰侯女爲安帝皇后融生固裔孫武大將軍槐里侯女爲桓帝皇后魏晉以後竇氏史傳無聞

河南洛陽 狀稱本扶風人竇武被誅後人鴈門太守統北

奔鮮卑拓拔部爲沒鹿回部大人賜姓統豆陵氏魏孝文改

爲竇氏女爲元帝后六代孫漏頭蓬東王案唐世系表竇巖從魏孝武徙洛陽

生三子那敦略略字六頭生五子興拔岳善熾又孫略生岳

處毅岳處後周大司馬杞公女高祖太穆皇后生太宗毅生

昭昭生彥彥生德明案疑脫德素一人冲德元德洽德明常州刺史

德素工部郎中冲陝州刺史生義節虢州刺史生戒盈戒言

戒言生萱蘭案唐世系表萱蘭案唐世系表萱蘭國子司業萱衛尉少卿戒盈蘭作庭蘭庭萱

青州刺史生庭芝庭華庭芝陝州刺史庭華中書舍人生叔

展申昱叔展右拾遺申給事中昱左司員外德元戶部尙書

左相鉅鹿侯生懷恪懷質懷讓懷德州刺史生思仁金吾

將軍懷恪湖州刺史懷質左僕射中山公姪崇嘉考功郎中

德洽工部郎中毅少子招賢隋遷州刺史神武公孫德藏生

虛運虛獎虛運生恂華州刺史虛獎右屯田將軍生善西魏  
華州刺史永富公善生榮定隋冀州刺史陳公榮定生抗慶  
璉抗納言陳公生衍靖誕幹師綸師武師仁衍左武侯將軍  
生孝儉孝威孝忠孝儉生畢太僕少卿孝忠蘭州刺史靖戶  
部尙書封信都公生達遜遜達駙馬生松壽殿中少監遜兵  
部郎中遜蔡州刺史誕刑部尙書莘公生孝慈孝立孝沖孝  
臻孝誠孝果孝湛孝禮孝慈工部郎中德州刺史生希玠希  
璈敬賓希玠禮部尙書少傅莘公生錫銳錫右衛將軍希璈  
蓬州刺史生銓滑州刺史銓生賓兵部郎中河南少尹孝立  
孫鎮左武衛將軍生顥頊頊洋州刺史孝臻夷州刺史生瑾  
瑾生審言聞喜尉審言生畿權參權著作郎參中書侍郎平  
章事吏部尙書生景伯兼監察御史孝誠溪州刺史孝果生

維鑿水部郎中孝諶潤州刺史贈太尉女睿宗昭成皇后生

元宗孝諶生希城希球希瑰

案疑脫希  
瑰一人

希城太子少傅幽公

生鍊鋼鍊司農卿鋼將作監同正希球太子賓客冀靖公

生鑑鑑生榮虞部郎中希瑰開府太子少傅畢公生鏐濬沔鏐

駙馬祕書監同正生克恭濬涇王傅沔濟王傅生克良克溫

克良駙馬希琬衛尉少卿生鋒太僕少卿鋒生昱昂隋州

刺史昂鳳州刺史孝禮涇原令生瑋璉良賓瑗瑋遂州刺史

璉京兆少尹生紹綜繹續續級紹給事中荊州長史生寓繹

駙馬衛尉卿績奉先令良賓生林司封郎中瑗光祿卿生旻

旻生又太府卿同正師綸太府少卿生尙義尙烈尙義生瓚

道州刺史尙烈生進右庶子進生蒙泉

案唐世系  
表泉作鼎

蒙太原令

泉都官郎中師武生孝道孝約孝綽孝綽生景景生履廷履

信履廷梓州刺史生暄履信鴻臚卿慶生智純智弘智圓

世系表智仁蒲州刺史此脫名蒲州刺史智弘生懷玉懷祖懷玉婺州刺史

懷祖生從之從光從昭從之左司郎光生靚靚戶部侍郎揚

府長史智圓開州刺史璉禮部尙書鄧公生普行左監門將

軍長史饒州刺史普行生總汾州刺史總生弘儼屯田員外

竇熾周太保鄧公生恭州刺史軌曾孫克順將作少監恭少

子琮晉州刺史生孝謙洛州刺史竇覽孫孝仁

案唐世系表作孝永濟

州刺史孝鼎司勳郎中竇深生襲右武衛將軍襲生文表文

表生季爽季安季安湖州刺史曾孫至柔爽開州刺史竇疑

孫德宗播州刺史竇誼孫有意

案唐世系表誼生有意此作誼孫不合

熊州刺

史生元誨諫議大夫竇威內史令延安公生暉金部侍郎岐

州刺史暉生炅炅生相棣王傳觀津公

案唐世系表炅生炅作炅作詡

顯撫州刺史唐左衛將軍竇善衡云扶風鞏水部員外牟洛陽令羣御史中丞今開州刺史庠潼州刺史叔向從父弟彧廬州刺史生易直從直敬直與公易直兵部郎中御史中丞從直兼殿中御史彧堂兄子端房州刺史竇藥師云略後

寇

蘇忿生爲司寇子孫以官氏焉又云衛康叔爲周司寇支孫以官爲氏秦滅衛君角家於上谷八代孫恂

上谷昌平 恂後漢執金吾雍奴侯曾孫榮榮孫孟魏馮翊

太守徙家馮翊元孫循之生讚讚生臻後魏七兵尙書汝南

生儁西魏司空賜姓口引氏 案魏書寇讚傳讚子臻官至弘農太守臻次子祖禮官廷尉尙

書贈七兵尙書昌平平男祖禮弟儁始賜姓若口引氏此儁會以臻爲七兵尙書誤汝南二字亦有脫口引氏脫若字

孫弘唐戶部侍郎武林公

馮翊 蘇忿生之後以官爲氏魏有散騎常侍寇閱生明  
晉河東太守明生未安安生邠後魏建節將軍夏陽子曾孫  
勇周儀同通城侯勇生迪迪生志覽唐洛州功曹歸州刺史  
志覽生恩遠曹州長史恩遠生毗兵部郎中

河南 官氏志口引氏改爲寇氏

鬪

左傳楚若敖之後有鬪般生伯比伯比生鬪穀於菟字子文  
代爲楚卿有此姓

鏤

姓苑云今遼東有此姓

鄮

越人以郡爲姓今明州鄮縣是也  
氏族略

鬪文

英賢傳云鬪伯比之後支孫鬪文仕晉因氏焉

氏族略作楚若敖生鬪文

子因氏焉

鬪門

世本陳鬪父之後楚大夫有鬪門陽

鬪班

楚若敖強生鬪文子因氏焉

鬪者

世本云子姓也

豆盧

本姓慕容燕王廆弟西平王慕容運孫精之後

昌黎棘城

精生猶醜猶醜曾孫萇永思寧寧生勣勣生毓

周隋並有傳永思生通通生寬唐禮部尙書芮定公寬生承業懷讓承業領軍將軍生欽望欽奭欽肅欽望內長史左僕射欽奭光祿少卿欽肅生靈昭宣州刺史靈昭生參回器友參右威衛將軍回京兆少尹友萬年令懷讓生貞松宗正卿中山公貞松生光祚光祚生建駙馬通孫方則生楷楷生元儼元儼生志靜志靜生魯元侯魏太宋襄城公五代孫達唐殿中監靈壽公生仁宗達堂姪曾孫子騫監察御史生陸渾元孫祥生讓曾孫挹挹生鄭廊鄭生靜

五十二沁

禁

姓苑云吳興人

五十四闕

闕

齊卿闕止之後

會稽山陰 闕駟撰十三州志吳侍中闕澤字德潤唐右領  
軍闕稜

五十六榛

念

西魏太傅安定公念賢代人也子華台州刺史

五十九鑑

監

風俗通云衛康叔之後

六十梵

汜

漢有汜勝之爲黃門侍郎其先周大夫食采於汜因以爲氏  
燉煌 勝之後晉有郎中汜騰張掖太守汜彥天寶有刑部  
郎中汜雲南鄭縣尉汜叔敖並其後也

濟北盧縣 晉有汜毓字稚春七代同居晉武帝徵爲祕書  
郎不就著書七萬言

元和姓纂卷九

元和姓纂卷十

唐林寶撰

陽湖孫星衍

歙洪瑩同校

一屋

陸

齊宣王田氏之後宣王封少子通於平原陸鄉因氏焉漢大

中大夫陸賈子孫過江居吳郡吳縣陸賈裔孫吳丞相遜生

丞相抗抗生晏景機雲眈遜弟吳選曹尚書案陸遜弟名瑁此脫生英

英生騁玩玩元孫惠曉惠徹自玩至惠曉父子歷晉宋五代

侍中惠徹生閑閑生厥完絳襄厥曾孫搢完生邱公雲公令

公邱公生瑾琛瑾生遜之逃之都官員外琛生仁公仁

公生東之元之案唐世系表琛生東之元之中間無仁公一世東之司諫郎中崇文

侍書學士生彥遠元之生元方天官鸞臺二侍郎平章事元

方生象先景倩景融景獻景裔象先中書工部侍郎平章事  
生刑部尙書少保袞元貞公袞生泛深廣偃泛祕書少監深  
比部郎中廣沂州刺史偃工部員外景倩監察御史生溥天  
水太守少府監生康序應庶康檢校郎中庶福建觀察中丞  
景融吏部侍郎左丞工部尙書父兄三人繼處銓衡左右丞  
生沛渭沛屯田郎中景獻屯田員外生包易包工部員外易  
司門員外景裔兵部員外生滌元方弟彥恭曹州刺史雲公  
生瓊瓊生從典從典孫鑑有集令公會孫餘慶尙書左丞太  
子詹事生琪瓌瓌汾州刺史兵部郎中生海長源海司門員  
外長源檢校尙書汴宋節度生行檢陸氏自漢魏至梁陳正  
傳十五人惠曉生任倕倕字佐公任六代孫去泰去泰起居  
集賢學士梁給事中陸鎮之續長子柎後惠曉七從子也生

晉晉生雍陳豫章王諮議雍生元朗字德明秦府學士國子  
博士兼太子中允吳郡男撰經典釋文德明生敬信敬義敬  
義蓬州刺史生宣哲遵楷遵楷祕書郎敬信兵部東臺二侍  
郎左侍御同三品檢校左相嘉興子生郢客邠卿越賓慶叶  
郢客生大鯤慶州都督邠卿生大訓大盈大均大訓右金吾  
將軍越賓陝州刺史慶叶屯田郎中雍州司馬鈞生湯後周  
大司馬陸通云玩後晉侍中萬戴爲劉義真長史從宋武帝  
入關沒赫連生僑僑生政卽通父也通生長義讓讓隋光祿  
少卿生善宋駕部郎中德州刺史通弟逞周太子少保中都  
元都公陳廬陵太守陸之禮稱後漢潁川太守閔後生寶仁  
先元士元士虞部員外濟州刺史生貴愛陳永王記室陸慶  
稱襄後生士秀唐太子博士生謀道周文王學士生元感元

感生南金庫部員外齊度支郎中陸匡丞晉太常卿始後元  
孫敬唐蘇州刺史陸孜兄元孫善敬國子司業生鼎右補闕  
嘉興 開元有陸齊望官至試祕書少監生渭澧澗漚淮渭  
侍御史澧殿中御史澗祠部員外漚侍御史望族弟齊政富  
平令生侃如溧水令侃如生贄賞賚贄中書侍郎惠陵令陸  
侍詮並吳人詮生亘太常博士越宣二觀察生塏勳塏陝府  
觀察生鉅勳吏部郎中又歙州刺史陸參司封員外陸震大  
理司直陸羽並吳人元和初進士陸暢生懷姪孫肱湖州刺  
史長城人

河南洛陽

出自代北代爲郡長大人號步六孤氏後魏孝

文遷洛改爲陸氏與穆奚于賀劉婁爲北人八族征西大將

軍東平王陸侯生麗頽歸騏麗司徒平原王生定國叡定

國殿中尙書東平郡王生昕之叡尙書令東平郡王生希道  
希靜希質希道生士懋子彰

案此下疑脫  
士佩一人

士懋元孫寶積屯

田郎中冀州刺史生昭達子彰中書監生印駿沓騫彥師兄  
弟五人相繼爲黃門侍郎士佩五代孫伯玉中書舍人晉州  
刺史希靜元孫乾迪壽州刺史都督希質生瓘悉達歸歸太  
僕卿曾孫騰周大司空生庸定公庸生逸融冰逸孫徹郢州  
刺史生欽嗣左監門將軍鄆州刺史欽義忠州刺史融隋洛  
州刺史生立素右庶子立素生爽兵部郎中爽生瞻瞻生景  
祥雒尉景祥生據司勳員外據生士佳士修士佳三原令士  
修殿中御史冰生義方營州司法義方生頌改名慤國子監  
祭酒右常侍鄭公生璟正卿同正騏孫隋中書舍人生法言  
正言法言隋承奉郎撰切韻正言孫大同遂州刺史馥後魏

太保健安王七代孫堅左右丞相刑部侍郎祕書監生綰綜  
續綰贊善大夫生鄧綜生邳續檢校郎中生復禮復禮部尙  
書禮膳部員外

穆

宋穆公之後支孫氏焉楚元王友有穆生或作繆音同

河南 代人本姓邱穆陵氏代爲部落大人爲北人八族之

首後魏以穆陸奚于比漢金張許史孝文遷洛陽改爲陸氏

以位盡王公勳著當代下司州一同四姓侍中太尉宜都王

崇生遂畱觀遂畱生忸頭比部尙書忸頭生蒲坂虞曹尙書

蒲坂生韶冀州刺史韶生遵季北齊東郡太守遵季生伽唐

殷州刺史伽生弘遠隋侍御史弘遠生固禮固信固禮綽州

刺史生思恭稷州錄事參軍思恭生元休安陽令元休生寧

審寧祕書監致仕生贊質員賞贊御史中丞宣歙州觀察質  
給事中撫州刺史員御史生栖梧泗州刺史兼丞賞太常少  
卿審監察御史生贄口部員外贄生詳湛改名仁裕宣武  
節度檢校兵部尙書生延業諫議大夫固信蘭州刺史生思  
順思泰思順生子元子元生準殿中御史汾州司馬思泰生  
吳周昇昌昌生寂著作佐郎

麴

漢有麴潭生悶避難湟中因居西平改姓麴氏

西平 悶居西平十一代孫嘉仕沮渠氏後爲土人所歸立

爲高昌王後魏授瓜州刺史金城公五代公主

案有脫文

其孫麴

伯雅附隋唐宇文泰叛貞觀中侯君集平之其主麴智茂歸  
降拜右金吾大將軍金城公勅改名智勇其弟天山公智湛

生崇裕右監門大將軍交河郡王崇裕弟瞻司農卿常樂公  
後漢末又有翹演翹義

金城 晉有左僕射翹允

### 祝

黃帝祝融之後周武王封黃帝之允于祝因氏焉鄭有祝聃

衛有祝鮀或以祝史之後以官為姓案世本祝任姓禮記封

系表謂出自姬姓黃帝之後若祝聃祝鮀則俱以官為姓非姬姓也

中山 後漢司徒祝恬中山人

長沙 祝恬孫廣魏始平太守又家焉始平祝廣居始平九

代孫絀唐陝州司馬絀生欽明刑部尚書同三品魯公子茝

兄子駟

河南 官氏志比廬氏改為祝氏

伏

伏羲之後子孫氏焉與任宿須句顓頊同祖

濟南 漢有伏生名勝治尚書

平昌安邱 勝七代孫理高密太守生鳳湛湛後漢大司徒

鳳五代孫儀生大鴻臚策策曾孫滔晉遊擊將軍曾孫曼容

齊率更令河南太守伏虔注漢書案伏虔今作服虔

宓

風俗通宓康公之後以國為氏史記仲尼弟子宓不齊字子

賤魯人

鞠

后稷生不窋生而有文在手曰鞠支孫氏焉裔孫鞠武為燕

太子丹傅風俗通漢尚書令譚或為鞠氏音訛轉改

平原 鞠譚代居平原南燕有司空鞠仲中書侍郎鞠注  
東萊 漢尚書令鞠譚後支孫又居東萊唐有冀州刺史鞠  
稜女鄭繇祖母也或亦姓鞠氏

鹿

趙大夫食采五鹿因氏焉漢有巴郡太守鹿旗

巴郡 鹿旗子孫因家焉

濟陰 後梁有樂郡太守鹿蘊見十六國春秋元孫念西魏  
光祿大夫河內公自西平徙濟陰孫善隋長春宮監河內公  
生願裕注願唐司農少卿定陶公注雋州司功

河南 後魏官氏志鹿桓阿氏改爲鹿氏

叔

八凱叔達之後或云晉大夫叔向之後東觀漢記將軍叔壽

叔于之後孫叔仲彭生亥案通志公孫茲生得臣彭生得亥臣爲叔孫氏彭生爲叔仲氏亥  
生帶帶生仲叔仲職及寅代爲魯大夫

木

端木賜之後因避仇改姓木氏晉文章志木華字元虛作海  
賦嘗爲太傅楊駿主簿又有木概著戰國策春秋三十卷見  
七錄

肅

周文王子邴叔之後成肅公以諡爲姓案通志曰邴叔武未聞諡此當是周卿士  
成肅公之後梁吳郡太守西豐侯肅正德一云古肅慎氏之後歸  
化中國改爲肅氏

卜

周禮卜人以官爲姓仲尼弟子商字子夏魯人

河南 漢卜式商之後也以田畜爲事官至御史大夫開元  
中卜長福獻續文選三十卷杭州富陽縣尉

宿

伏羲氏風姓之後左傳云任宿須句顓臾風姓也又有宿南  
國在東平無鹽縣以國爲姓後漢宿仲談又有宿祥

雁門 宿祥一作禕爲雁門太守因家之前趙有宿察

河南 官氏志有宿氏大姓宿六斤氏爲宿氏

谷

漢衛司馬谷吉世居長安生永大司農後魏谷楷昌黎人

魏郡 唐晉陽尉谷倚狀云谷永之後詩人正聲集與吳少

微富嘉謩爲友

沐

漢沐寵爲東平太守狀云端木賜之後避難改爲沐氏

東平 沐寵之後因官居焉

河閒 魏略沐並河閒人孫文流爲護軍石趙僕射沐堅

竹

孤竹君姜姓殷湯封之遼西至伯夷叔齊子孫以竹爲氏

東莞 後漢竹曾爲下邳相又擬陽侯竹晏並東莞人

服

服義之後仲尼弟子服不齊字子賤魯人今轉爲宓氏亦作

伏

祿

風俗通云殷紂遠裔悉西魏光祿大夫河內公自西平徙濟

陰孫善隋長春宮監河內公生願裕注裕唐司農少卿定陶

公注祿州案注肅州司功此誤風俗通云殷紂子武庚子祿父後以王父字爲氏今涇陽有此姓又吐番酋長有祿東贊

竺

本天竺胡人後漢入中國而稱竺氏竺因爲漢侍中

瑯琊莒縣 侍中西平侯固之後代居瑯琊有竺俊恢銓覽

宋竺萇並云莒人

鬻

祝融之後周文王師鬻熊受封于楚著書子鬻拳其後建平見姓苑

秃

國語祝融後八姓已董彭秃妘斟曹芊周滅之矣賈逵云秃

彭姓別族

郁

見姓苑國語魯相郁貢子孫氏焉

玉音宿

黃帝時公玉帶造合宮明堂見尸子後改爲玉氏漢司徒玉

光府字文伯

夙

古夙沙氏之後夙沙衛闔寺之屬

瀟

漢雁門太守瀟河

牧

黃帝臣力牧之後漢有越壽太守牧根

鄭

於六反見姓苑

屋廬

晉賢人著書言彭聃之法

案此脫名

屋南

代北複姓

屋引

代人隨魏南徙河南後魏行臺右僕射屋引業生通通生容  
容生浴浴生永達唐梁王府統軍

叔孫

魯桓公子叔牙生茲號叔孫亦爲氏生得臣得臣生豹豹生  
媯媯生不敢不敢生舒漢有叔孫通爲太子太傅生稷嗣君

魯國薛縣

叔孫通代居開元大理司直叔孫通元孫觀生

興案此有  
脫誤

河南 後魏獻帝命叔父之後爲乙旃氏後改爲叔孫氏道  
武時有壽光侯叔孫建生俊將軍安城公元孫金毗隋太府  
少卿曾孫文懷唐瀛州刺史

叔夜

周八士叔夜之後楚康王時大夫有叔夜子莊見國語

叔帶

英賢傳趙叔帶之後齊大夫有帶子莊爲莊公御

叔向

世本晉羊舌肸字叔向因氏焉

叔敖

八凱之後公羊有叔敖段爲景王大夫

叔達

八凱之後公羊有叔達段爲景王大夫

叔服

英賢傳云周太史叔服之後晉武公大夫有叔服之要

叔夙

世本羊舌職生叔夙爲叔夙氏

叔魚

晉大夫羊舌鮒字叔魚因氏焉

獨孤

其先本姓劉氏後魏代北三十六部有伏畱屯爲部大人居雲中和平中以貴人子弟鎮武川因家焉伏畱屯之後有俟尼生庫者後魏司空生信大宗伯衛國公第二女唐元貞皇

后生高祖

祝其

風俗通宋戴公子祝其為司寇因氏焉見世本漢有清河都尉祝其承先

祝固

左傳晉有祝固氏漢功臣祝其侯祝固舒

祝史

衛有祝史揮因官姓焉下邳今有此姓

穀梁

魯有穀梁赤治春秋傳子夏門人也尸子云穀梁俶傳春秋

十五卷

案顏師古說穀梁名喜

今下邳有穀梁氏

據氏族略增

濮陽

陳畱 後漢外黃令牛述以濮陽潛爲主簿吳長沙太守濮陽逸生興孫休時爲衛將軍平章軍國事丞相外黃侯吳書張紘從外黃濮陽闔受詩禮春秋大曆嶺南判官檢校刑部員外濮陽灌大曆進士濮陽守

### 斛律

代人代爲部落統帥號斛律部因爲氏焉

河南 後魏武川公斛律干孫舉滑州刺史下邳公孝卿隋

戶部尙書武陽子生弘義禮本禮備禮文禮備唐吏部員外

生觀國禮文蔡州司馬生貽慶庫部郎中少府監後魏又有

斛律倍利侯案北齊書作倍俟利朔州刺史勅勒部人率眾內附生那

瓌案北齊書倍俟利生幡地斤爲第一領人酋長生金北齊

大司馬右丞相咸陽王生光羨武都案武都乃光之子光字

明月左太尉左丞相咸陽王長子武都太保羨生豐洛州刺

史荆王

案本傳羨字豐樂荆山郡王五子世達世遷世辨世酋伏護此作羨生豐誤

斛斯

其先居廣漢代襲莫弗大人號斛斯部因氏焉

河南 後魏比部尙書斛斯延生郭郭生椿尙書令太傅常

山文宣公生徵徵生周齊州刺史岐國公孫成生道仲道濟  
道仲唐蘄州刺史

禿髮

河西鮮卑也與後魏同出聖武帝詰汾長子疋孤神元時率

其部眾徙河西六代孫樹機能立盡有涼州之地子思復鞬

生烏孤僭號西平王稱南涼都廣武弟利鹿孤僭檀三主十

八年爲乞伏熾盤所滅僭檀生賀歸後魏太武賜姓源氏

夙沙

英賢傳炎帝時侯國也因氏焉左傳齊宦者夙沙衛

角里

漢商山四皓綺里季之後

案四皓有角里先生疑里季乃角里先生之誤

陸終

祝融子陸終之後

福子

齊大夫福子丹見國語

牧師

漢禮依周禮令主養馬後世因以為氏

宿勤

後魏帥宿勤名達

木蘭

姓苑木蘭氏任城人

宿六氏

改爲宿氏

獨孤渾

改爲杜氏

二沃

沃

風俗通殷太甲子沃丁之後

吳郡 神仙傳沃焦吳人

督

宋大夫之後以王父字爲氏漢督瓚見風俗通

巴郡 後漢巴郡蠻酋有督氏同羅朴鄂度夕龔爲七姓

僕

周禮僕人後匈奴降者僕多封渾梁侯

河南 官氏志僕蘭氏改爲僕

禡

廣信郡多此姓云本姓陸避事改姓禡

鵠

後漢巴郡蠻酋羅朴都鄂度夕龔凡七姓 案後漢書巴蠻七姓都作督龔作龔

無鵠氏惟姓氏急就篇及通志俱作姓出姓苑東海人

三燭

續

晉大夫狐鞠居食采於續又姓續氏是爲續簡一云舜七友

續身之後漢初功臣表續相如封丞文侯

上黨 石趙有太子少保續咸又河東襄陽並有此姓

束

晉書云疎廣之後孫孟達避王莽亂自東海徙沙鹿山南田  
因去正爲束氏

陽平元城 漢隴西太守束混子龕爲馮翊太守生皙字廣  
微晉尙書郎兄璆亦知名

曲

晉穆公封少子成師爲曲沃支孫氏焉漢代郡太守曲澄  
陝郡 貞元中陳許節度曲環陳許人

粟

漢治粟都尉因官爲姓魏志袁紹魏郡太守粟舉

蓐

風俗通蓐收之後

項

風俗通顛項之後

續祁

晉祁奚舉子自代父子相續因爲氏焉漢有續祁孟陽善易

四覺

樂

宋微子之後戴公生子衍字樂父子孫以王父字爲氏曾孫樂呂呂孫喜字子罕燕有樂毅毅孫臣叔高祖封爲華成君

裔孫恢

南陽涑陽 恢子乾自趙徙南陽五代孫方方生廣字彥輔

晉尚書令信陵公生凱益州刺史六代孫運隋咸陽令撰諫苑生質禮部戶部二尚書

京兆 狀云廣後唐御史大夫同三品樂彥璋子思晦中書侍郎

卓

史記蜀郡卓氏本趙人以鐵冶致富徙臨邛卽鐵山鼓鑄至僮千人田池射獵之樂擬于人君據祕笈新書增後漢太傅卓茂南陽宛人

角

後漢角善叔梁將軍角念姓氏急就章

學

見姓苑

朔

姓苑云南陽人

朴

見姓苑云東海人

樂正

周禮樂正因官氏焉孟子魯有樂正子春曾子弟子

案樂正子春曾

子弟子見禮記孟子弟子乃樂正子克此脫

樂王

左傳晉大夫樂王鮒之後漢有郎中樂王幾

樂尹

楚昭王以鍾建為樂尹

樂利

齊胡公支子爲樂利氏

### 五質

畢

周文王第十五子畢公高之後以國爲氏晉有畢萬漢繆侯

畢案漢書繆侯作繆侯

東平 後漢末兗州別駕畢諶見魏志元孫眾慶宋兗案唐世系

表宋兗下有州大中正四字脫東征將軍五代孫憬唐衛尉少卿許州刺史

生構栩椅構戶部吏部二尙書生抗兵部員外吳郡太守江

南採訪使栩大理正工部郎中生曜御史眾慶弟敬魏兗州

刺史六代孫君威唐遊擊將軍

太原 狀稱畢諶之後唐滁州刺史畢誠生操操生正表正

則正義正表生重華絳州刺史生彥雄正義大理正

新蔡 晉吏部郎中畢卓

漁陽 大曆右庶子畢弘狀云畢湛之後

洛陽 畢萬之後

河南 官氏志云出連氏改爲畢

吉

黃帝之允伯儵之後一云尹吉甫之後以王父字爲氏漢有

太守恪魏志吉茂晉魏興太守吉挹宋將軍吉幹

馮翊 漢同州刺史吉瞻瞻元孫琰唐絳華二州刺史

洛陽 唐易州刺史吉哲生項天官侍郎平章事司勳郎中

項弟琚鄆縣令溫武部侍郎

淮陰 狀云挹後貞元戶部侍郎吉中孚

乙

殷王帝乙支孫以王父字爲氏

襄陽 今襄陽有乙氏又燕鴻臚乙歸揚威將軍乙愛皆代

北種類也

河南 官氏志乙弗氏改爲乙氏或云望出平原案北魏乙

代人世統部落瓌父匹知遣瓌入貢遂仕魏爲都督贈太尉進爵爲王子乾歸孫海曾孫瑗皆襲爵位通顯

帥

狀云本姓師氏避晉景王諱改爲帥氏

南陽涅陽 宋有帥覺授一云名曷著孝子傳臨川王義慶

辟爲州祭酒不就入宋書孝義傳案南史作師覺授宋書不載

范陽 開元中幽州人帥夜光上三元異義三十卷集賢院

試三元策十道及第詔直國子監

郵音質

風俗通云有時國也子孫氏焉見毛詩漢有濟南太守郅惲

案毛詩郅國未詳

河東 郅都之後

汝南西平 後漢長沙太守郅惲著書八篇子壽尚書令

栗

栗陸氏之後漢有高士栗融字客卿

長安 漢有富民栗氏長安人漢景帝栗夫人生臨江王

漆

魯相漆雕之後單姓漆氏

實

實沈之後

帙

纂要云人姓

漆雕

漢功臣昔侯漆雕胡害魯人昭帝時將軍

室中

漢書藝文志有室中周著書十篇王莽時室中公避地漢中漢功臣表清簡侯室中同

室孫氏

今棣州有室孫氏

氏族略

乙弗

前燕有高麗王乙弗利後魏書云代統部落太武時乙弗正隨魏南遷遂爲河南人孝文改爲乙氏又有乙弗相周有乙弗鳳河南正之子瓌定州刺史西平王生乾歸秦州刺史孫

瑗西兗州刺史生子文文生遺恩隋右庶子遺恩生武唐金州刺史義昌令後魏又有屯騎校尉乙弗朗西魏車騎大將軍中書令乙弗繪女弟爲文帝皇后

乙干

代人後魏獻帝弟姓爲乙干氏居武川

河南 隋儀同乙干慶生定貴郭王府統軍又後魏靈州刺史乙干若生暉暉生達宗達生法通宗生端威乙干赤沙代別將

疋婁

改爲婁氏後魏疋婁內干爲齊神武王高歡武明皇后生文宣孝昭具婁氏

叱奴

改爲狼氏西魏開府叱奴興周文帝叱奴后生武帝又有光祿大夫叱奴祐

悉君

古西掖國人

密革

見姓苑

叱伏列

周書云代郡西部人其先第一領酋長周侍中恆州刺史長

安龜生椿大將軍

案叱伏列龜周封長樂縣公此長安字脫誤

一斗眷

改爲明氏

乙速孤

代人隨魏南徙河南後魏儀同乙速孤明生臺梁郡太守生  
貴北齊和仁公隋左庶子貴生安晟安晟生神慶唐衛率左  
領將軍神慶生行均行儼行方行儼唐廣州都督右武侯大  
將軍行均岐陽折衝生令從萬年令行方桂州司馬

六術

術

見姓苑

胍

古聿字見纂要文云人姓

案今廣韻無此字

八物

屈

楚公族芊姓之後楚武王子瑕食采于屈因氏焉屈重屈建

屈到三閭大夫屈平字原屈正並其後也漢有屈燕汝南先賢傳有屈霸苻秦有屈伯產河南人吳尚書僕射屈晃大曆中職方郎中屈無易晉州刺史櫟陽尉屈同僊洛陽人

河南 官氏志屈六友氏改為屈氏

案魏志屈六友氏作屈突氏

第

左傳有第翰胡禮記恤由之喪哀公使孺悲之孔子學士喪

禮 案恤由哀公子此人第姓下當有脫誤

邾

漢有九江太守邾修

鬱

見姓苑

尉遲

與後魏同起號尉遲部如中華之諸侯至孝文時改爲尉遲氏

河南洛陽 後有託哥拔五代孫乙紇豆生侯兜祐兜樂生

迴綱案北周書尉遲侯兜生迴綱北史亦無尉遲兜樂名安允迴周太師大司馬蜀公

生寬順安隋鴻臚卿生耆壽綱大司空吳案綱爵吳國公此脫生運運

盧國公允生壽庫部員外案尉遲迴傳有從孫耆福官庫部員外當即允子安子名壽重出疑

誤又司空長樂公尉遲長命生破侯相貴破侯北齊尙書令

周汴州刺史黃源公相貴左僕射海昌王又後魏平東將軍

尉遲說六代孫孟都生羅迦羅隋代州西鎮將軍生運運生

紹宗左屯田將軍油江伯孫瓌邛州刺史迦隋烏程鎮將軍

生敬德唐右武侯大將軍同州刺史鄂州忠公生寶林司衛

卿右衛將軍生修寂修儼

屈突

本居元朔徙昌黎孝文改爲屈氏西魏復本姓

昌黎 後魏中書令下蔡子屈突遵生須右僕射須生恆右

僕射濟北公會孫長卿邛州刺史生通唐兵吏二尙書蔣公  
生壽韓幹詮倫延壽駕部員外夏州都督生仲翔叔齊季將  
仲翔豳州都督生漪浩淑潏漪生藏用淑生鄂準潏生郇郇  
郇生鉉綺季將婺相二州刺史倫工部侍郎生琦俊右監門  
郎中俊生紹先虢州刺史延會孫陝監察御史通弟蓋隋長  
安令生達操

屈侯

風俗通魏賢人屈侯史記漢有郎中屈侯豫

屈南

屈原裔孫仕後魏魏重複姓以自南來乃加南字或作屈男  
不更

英賢傳秦公子不更之後或云秦大夫爵爲不更因氏焉齊  
簡公時不更苗爲執法也潛夫論宋大夫不更氏子姓之氏  
不蒙

音夢西羌人後漢書不蒙娥使內附

不夷

世本宋不夷甫須之後

佛圖

晉書佛圖澄天竺高僧也本姓白氏永嘉中至洛

弗忌

晉大夫欒弗忌之後

勿忸于

官氏志云改于氏疑與勿紐于同

九迄

乞扶

改爲扶氏

十月

越

夏少康之後妣姓越王句踐裔孫王無疆爲楚所滅子孫以

國爲姓氏

河南 官氏志越勒氏越彊氏並改姓越

闕

風俗通云古闕者官爲姓王僧孺語云蕭遠娶下邳闕氏之

女

越椒

楚令尹公子嬰齊子重之後

越勒

後魏有越勒部因氏焉

越質詰

後秦錄有北梁州刺史平襄公越質詰歸

十一沒

兀

後魏改安樂王元鑿曰兀氏

杙

左傳杙之後

紇干

代人孝文帝改爲干氏

河南 貞觀有紇干承基貞元僕寺丞紇干遂其後也生俞  
渭南縣尉

紇骨

後魏獻帝兄爲紇骨氏居代北

河南 後魏太府卿義山公紇骨容生預邱公靜靜生貴紇  
骨大威唐利州侍中

紇單

改爲紇氏今有日者紇單瑤

紇奚

改爲奚氏

沒鹿回

紇豆陵氏本沒鹿氏代人為沒鹿氏孝文帝改為竇氏

骨咄祿

改為祿氏

突黎人

西域人氏

紇豆陵

代人孝文改為竇氏

吐谷渾

案金壺字義吐谷渾音突欲魂

吐谷渾歸化因氏焉

河南唐右將軍吐谷渾景順

十二葛

葛

風俗通葛天氏之允子孫氏焉夏時葛伯嬴姓國也亦爲葛氏漢有潁川太守葛興後漢有汾葛令襲梁國葛興之後丹陽句容吳有葛奚爲鴻臚神仙傳有葛元元從孫洪字稚川晉散騎常侍領大著作抱朴子一百一十六篇又晉有葛由

河南官氏志賀葛氏改爲葛

達

八凱叔達之後以王父字爲氏

葛伯

夏時諸侯爲殷所滅以葛伯爲氏

達奚

後魏獻帝第五弟之後為十姓遠祖長寧公革生司空斤亦

單姓奚氏與穆于陸婁賀劉尉為北人八族案魏宮氏志八姓中有稽氏非

奚氏達奚以獻帝弟始改為氏八姓乃太祖舊勳在斤元孫

達奚得氏先當以史為正惟穆陵奚于四姓有之武後周太保大冢宰鄭公也

達步

周文帝妃達步氏生齊王憲茹茹人

達勃

改為衷

鷓冠

風俗通楚賢人以鷓為冠因氏焉鷓冠子著書

褐餘

潛夫論云曲沃袒叔之後

渴單

改爲單氏

十三末

末

本姓秣氏避仇改焉今秣陵是其後

脫

姓苑云人姓

拔略

後魏官氏志拔略改爲蘇氏賀拔勝傳有都督拔略昶

末那樓

後燕錄有襄城公末那樓富

十四黠

滑

滑伯周同姓國也為晉所滅以國氏焉

案僖公十三年經書秦人入滑傳稱滅滑

而還成公十三年呂相絕秦云殄滅我費滑則滑為秦所滅甚明此云晉滅疑有誤矣

左傳鄭大夫滑

羅

京兆 大曆有萬年尉滑廣

察

見姓苑

滑伯

英賢傳曰姬姓因氏焉

陳畱 漢有滑伯堪為齊悼王中尉

十六屑

齧

莊子齧缺堯時賢人學于王倪既通許由師之

節

周禮掌節上士子孫以官爲氏

鐵伐

赫連勃勃以其本宗支庶非正統者並爲鐵伐氏

鐵弗

改爲弗氏

十七薛

薛

黃帝二十五子一爲任姓裔孫奚仲居薛至仲虺爲湯左相  
代爲侯伯歷三代凡六十四世周末爲楚所滅公子登仕楚  
懷王賜師邑爲大夫以國爲氏曾孫邛生薛公鑿

案唐世系表邛生倪

倪生翁翁生鑿與此世數不合漢初獻滅黥布策受封千戶孫廣德御史大

夫元孫永漢千乘太守案唐世系表印元孫漢字公子八代

子蘭徐州別駕為曹公所害生永遂歸于蜀先主官至蜀郡

太守齊歸晉為光祿大夫齊生懿晉光祿河東太守懿生三

子恢一名開號薛苞

河東汾陰河東太守懿生三子一名開號北祖雕號南祖

興號西祖元孫謹五子又號為五房西祖大房洪祚絕

列

風俗通古帝王列山氏之後子孫氏焉鄭有隱者列御寇著

書八篇號列子

悅

後燕錄云左僕射悅真生壽南燕尚書

昌黎 悅綰鮮卑人清泉侯悅真亦其族也

說悅音

姓苑云傳說之後以王父字爲氏

舌

左傳越大夫舌庸

別

姓苑云京兆人

薛孤

代人隨魏南徙河南北齊恆農王薛孤康生買開府儀同三司新平王孫吳仁唐右金吾將軍朔方公生知素知檢知機知福知素桂州刺史知福靈州都督生元邈元憲

揭揚

漢功臣安道侯揭陽定之後今因官氏焉

列禦

鄭穆公時列禦寇之後

列宗

潛夫論楚公族列宗氏芊姓

啜刺

突騎施首領開元左武侯大將軍燕山王啜刺右失畢子歸

仁襲燕山王突厥首領長壽中司僕卿同正榆林伯啜刺庶

真案通志作啜刺真無庶字生元崇左威衛將軍同正樓煩男生懷尙衣

奉御

悅力

後魏初有悅力延

渴燭渾

改爲朱氏

十八藥

藥

見姓苑

河內 後漢南陽太守藥崧又有太尉掾藥穆蜀錄晉有藥崧牙門藥仲大曆有殿中監閑廐使兼御史大夫藥子昂

約

韓子云古賢人約續馬融妾約氏

若干

出自代北以國爲氏

河南 後魏荊州刺史晉陽公勸生猛周莒州刺史臨清公

生端整殿中少監瀛洲刺史金明男生弼勸次子導生則唐  
左武衛將軍

鬻相

魯大夫食采鬻相因氏姓苑云沛人

十九鐸

鐸

左傳晉大夫鐸遏寇楚將鐸椒案漢書楚太傅鐸椒即著鐸氏微者漢書藝文

志春秋鐸氏微三篇風俗通廷尉鐸政

絳郡 姓苑云今絳州有此姓

郭

周文王季弟虢叔受封于虢或曰郭公因以爲氏公羊傳云  
虢謂之郭聲之轉也左傳齊有郭最燕有郭隗後漢司徒郭

丹郭泰字林宗

太原陽曲 漢末大司農郭全代居陽曲生縕縕生準配鎮準魏雍州刺史生奕配城陽太守裴秀賈充並其晉也鎮尙書郎謁者僕射昌平侯鎮七代孫祚後魏左僕射東光文貞公會孫士謙士倫士謙元孫佃駙馬士倫唐倉部員外贈深州刺史曾孫珍桂州都督

馮翊 魏雍州刺史準孫正因官馮翊居焉裔孫彥周兵部尙書孫福始唐綏州刺史夔城男

京兆 西魏右僕射郭嵩雍州刺史準八代孫也生衍隋左衛大將軍洪州刺史武山公生贊副本儉贊隋武強公生依宗依宗生襲慶襲業襲業生味邱申州刺史味邱生液駙馬都尉祕書監液生岫岫襲慶台州刺史生味先味賢味先生

景華味賢陳州司戶生雄儒華雄吏部郎中儒華校書郎嗣  
本職方郎中司農卿懷仁公生紹宗齊宗紹宗徐州刺史齊  
宗司農郎中懷州刺史曾孫商州刺史求校書郎儉生敬宗  
肅宗敬宗濮州刺史曾孫南金碭州刺史肅宗孫渙滎州刺  
史生佐殷曙佐殷劔州刺史曙兼殿中御史肅宗少子襲徵  
左拾遺

潁川

北齊黃門侍郎平章事舉

案唐世系表郭待舉相高宗生二子秦初秦方此作

北齊相未詳

生秦方兄子秦初生潤納潤起居舍人納給事中陳

畱採訪使生賁謨霸納兄孫監察御史涼州都督陽翟公郭  
孝恪潁川陽翟人生待封左衛將軍待聘宋州刺史

華陰

隋大將軍蒲城公郭榮稱本太原人後居華州生福

善唐兵部侍郎榮弟弘道同州刺史郜公生敬君廣慶

案唐世系

表廣慶敬君生依仁廣慶左威衛大將軍禮部尚書生昶慶

作廣敬州刺史云本尉氏太尉中書令汾陽王子儀云榮父叔進之

後進曾孫通美原尉生敬之天寶中渭吉壽三州刺史生子

琇子儀子瑛幼賢幼儒幼明幼冲案唐世系表敬之十一子

人子琇生暕子儀生曜盱晞眡晤曖曙映曜太子少保生銳

鋒鋒光祿少卿盱鴻臚卿同正晞工部尚書生鈞鋼鍊鋳錡

鈇鑲鈞兵部員外鋼兼監察御史鍊太常丞錡京兆倉錄眡

試鴻臚卿晤兵部郎中生銜銷釭鑄曖駙馬右軍常侍生鑄

釧鏦鈇鑄右庶子釧衛尉少卿鏦駙馬殿中監曙左金吾將

軍映右庶子子雲左領軍將軍生昕檢校左僕射磧西節度

子瑛延州司法生覲幼賢單于副都護生昉曉幼儒成都少

尹生昉暄暄暄河南丞幼明少府監太原公生煦暄暄暄

暉煦鴻臚少卿皓兼殿中御史幼冲太僕卿太子詹事生暉  
晦子珪幼謙早亡

中山彭城 唐中書侍郎平章事潁川男郭正一生忠通事  
舍人

館陶 唐齊州刺史致仕郭善慶狀稱林宗之後生元振兵  
禮刑三尚書平章事代國公生晟鴻臚卿左驍衛將軍生瑊  
膳兵二員外

曲沃 鎮後唐蒲州刺史子賤

河內 晉郭黔今無聞

武昌 晉有郭訥弟察生翻

略陽 後漢有郭整六代孫荷

廣平邯鄲 漢有郭縱以鐵冶富埒王公

河東聞喜 晉建平太守郭瑗生璞著作郎生鷲

燉煌 晉太傅左長史郭瑀

諸郡郭氏 唐左武將軍太原公郭知運生英傑彥英協狀  
云本太原徙居晉昌協生嘉將作少監彥英檢校僕射劔南  
節度光祿少卿郭仁勛馮翊人或云本党氏生茂禕茂禕生  
崇禮崇默崇嗣崇禮濟州刺史生震觀豫震左司員外郎觀  
拾遺豫生圖圖生降降鴻臚卿生同知同節崇默襄州刺史  
生恆崇嗣生損庫部員外工部郎中郭虛己京兆人生恕弼  
彥樞恕少府少監彥縣州刺史樞京兆兵曹右驍衛將軍北  
庭都護郭虔齊州厯城人給事中郭鄰浚儀人主客郎中郭  
奇洛陽人兵部員外郭詮櫟陽人司勳郎中知制誥郭慎徵  
秋官郎中郭奉萬年人倉部員外郭文簡建興高平人生叔

元利如集卷一  
三  
暢右拾遺刑部員外郭洽祕書郎郭翰晉陵人邠州刺史郭  
懷魏郡貴鄉人生偲兄遙遠生慘

霍

周文王第六子霍叔之後今河東有霍邑是其國也後爲晉  
所滅子孫以國爲氏

河東 漢霍仲孺平陽人生去病光並爲大將軍去病冠軍  
侯霍光博陸侯唐澧州刺史霍德信駕部員外霍栖梧並平  
陽人

魏郡貴鄉 狀云光後唐御史中丞霍獻可

蜀郡新繁 唐河南尹霍廷玉

郝

出于郝省氏太昊氏之佐也帝乙時子期封太原郝鄉因氏

焉漢上谷太守郝夔後漢郝蘭

太原 後梁太傅郝潔後燕從事中郎郝略桓溫參軍郝隆

唐太原尉郝昕並太原人

安陸 梁江夏太守郝迴自丹陽居安陸生破敵後周沔州

刺史新吳伯敵孫相貴唐滁州刺史生處俊處傑處俊中書

令甌山公子北窆司議郎南容祕書郎處傑鄜州刺史

京兆 整屋有此姓

### 駱

姜姓齊太公之後有公子駱以王父字爲氏吳駱絡東陽人

又居會稽統會孫就

案通志就作勅

梁泉 就晉秦州刺史因家上邽裔孫德後魏集州刺史又

居梁泉五代孫知義唐亮州刺史

河南 官氏志地駱拔氏改爲駱氏

閣

周之闔人

永樂大典作闔據氏族略作闔

守王宮者所以止扇闔扉謂之閣

以爲氏急就章有閣并訢漢有閣并儒者太守田延年使部

汾北後至廣陵相有治名

案爾雅衙門謂之闔注云左傳盟諸僖闔所以止扉謂之闔又左傳

日高其開闔長棧即門櫪也左傳釋文云爾雅本止扉之名顏師古急就章注闔氏引此則當爲闔無疑廣韻亦有闔

氏惟闔并訢尚作閣并訢則因諸本之訛也

索

殷人七族索氏之後

燉煌 晉索湛爲北地太守生靖尚書後將軍安樂亭侯生

綝侍中吏部尚書

鄂

晉鄂侯之後子孫以邑氏焉漢初功臣安平侯鄂千秋沛人

薄

風俗通衛賢人薄疑沒高帝薄太后生文帝弟薄昭封軹侯  
官至車騎將軍子戍奴嗣子梁嗣天寶中大理評事薄芬樂

陽人

案漢書戍奴作戎  
奴孫梁此作子誤

莫

漢富人莫氏見游俠傳大曆中比部員外莫藏用案通志莫氏為幕氏

幕

風俗通舜祖幕支孫以王父字為氏見左傳案左傳昭公八年楚滅陳晉平

公以問史趙對曰自幕至于瞽瞍無違命杜預鄭眾皆曰幕  
舜之先賈逵曰幕舜後虞思裴駟陳世家註以國語賈義為  
長

作

周公之子胙侯子因避地改爲作氏風俗通云後漢涿郡太守作顯

落

風俗通云臯落氏翟國也以國爲姓見左傳漢有落下閔巴郡人撰太初曆

錯

今溫州有此姓

氏族略

絡

見姓苑

洛

落下閔或作洛

恪

晉有郎中令恪啟

鐸遏

晉軍尉鐸遏寇之後宋襄公下大夫鐸遏章

莫者

西秦錄有衛將軍莫者殺氐西安太守莫者幼春尙書郎中

莫者阿胡

莫折

本羌姓代居渭州襄城縣

襄城 後魏秦州刺史莫折大題孫輝襄城公生恭陳虞部

員外郎生昆輝次子捍隋貝州刺史鍾離生謙直監門校尉

索盧

呂氏春秋禽滑釐門人索盧參後漢淮陽令索盧放

山陽 蕭景融娶山陽索盧氏

東郡 索盧放代居東郡後拜諫議大夫

落下

魯大夫食采落下因氏焉漢博士落下仲異

拓王

狀云本姓王樂浪人祖罷後魏伏波將軍鎮武川賜姓拓王氏焉

武川 罷生懋後魏少司寇安寧公孫伯益隋大府卿略陽卿孫奉雋州都督永寧公

拓跋

後魏書云黃帝子昌意之後受封北土黃帝土德王北人爲拓后跋氏後拓后跋氏從省文爲拓跋氏孝文帝遷洛陽改

爲元氏開元後右監門大將軍西平公靜邊州都督拓跋守  
寂亦東北番也孫乾暉銀州刺史姪澄峴今任銀州刺史

諾護

後魏西河胡諾護于內附

莫且婁

代人

莫侯婁

代人

莫多婁

代人隨魏遷洛陽

河南北齊有晉州刺史石城公莫多婁貸文生敬顯北齊

司徒

莫胡盧

代人孝文改爲陽氏

莫多那

代人後魏中山太守高邑公莫多那題今無聞

二十陌

柏

風俗通柏皇氏之後又柏亮父爲顓頊師柏招爲帝譽師柏同爲周太僕左丞柏國在汝南西平縣爲楚所滅子孫以國爲氏漢有柏英爲大鴻臚秦大將軍柏直晉武帝柏夫人生趙王倫

濟陰 王孫孺譜云蕭元益娶濟陰柏氏益兄子泉娶濟陰柏齊女貞元左威衛大將軍柏良器濟陰人生耆諫議大夫

元封進士婺州刺史

魏郡 柏子之後柏懷後漢魏郡太守因居丘邱十代孫季纂唐司農卿汝遂宜虞四州刺史武陽公

蜀郡 狀云柏子之後大曆中同州刺史柏貞節

翟

黃帝之後代居翟地國語云爲晉所滅齊翟儂新魏翟璜漢文帝廷尉翟公下邳人

汝南上蔡 漢丞相高陽侯翟方進生義東郡太守後漢尙書翟舟會稽人晉翟陽潯陽人五徵不起陽六代孫晉林見隋書孝義傳大曆檢校工部員外翟立言唐有功臣殿中監汝南公翟無言

郤

晉大夫郤文生豹豹生芮芮生缺缺生克克生錡代爲晉卿

又郤犇郤至並其族也案晉語郤叔虎朝公高誘註郤芮之父則郤芮父名虎不名豹或因避唐

諱故世本云郤豹生義義生步揚步揚生蒲城鵠居生至案世本步揚即傳所稱步揚御戎至即郤至晉語作郤昭子

傳又稱溫季杜預注至郤克族子也成公十一年晉侯使郤犇來聘杜預注郤克從父兄弟傳又稱苦成叔十三年傳郤

毅御戎杜預注郤至弟也傳又有郤稱郤乞郤溱杜預皆不詳其系姓纂記載缺失良多又原本俱誤郤作郤今改正

漢有侍中郤典

濟陰 單父人晉尙書左丞雍州刺史郤詵子登

格

出自允格之後漢侍御史格班裔孫明案唐世系表明作顯仕後魏官

至青州刺史

陳畱 明曾孫處仁處仁生希元輔元希元洛州司法輔元

官尙書平章事梁縣男生遵殿中御史

劇

齊大夫食采于劇因地爲姓燕將劇辛漢游俠傳劇孟洛陽人藝文志劇子著書

伯

風俗通云嬴姓伯益之後晉大夫伯宗生州犁仕楚

赫

風俗通赫胥氏之後

伯成

風俗通伯成胥渠晉隱士諫議大夫伯成衡功臣表吾侯伯成延傳封六代成或作城王莽時伯成修獻符命

伯比

楚鬬伯比之後至懷王時有伯比仲華

伯昏

列子有伯昏無人無或作瞽

伯夫

韓子云伯夫氏墨家流也

伯夏

畢公高之後

伯宗

世本晉孫伯起生伯宗因氏焉

柏侯

柏成子高堯時諸侯因氏焉漢有尙書柏侯雋管寧從柏侯

子安受春秋

南陽 柏侯子安居南陽

白馬

風俗通微子乘白馬朝周因氏一云漢公孫瓚在幽州常乘白馬因氏焉

白石

神仙傳白石生中黃大夫弟子常煮白石爲糧

白狄

左傳白狄子之後神異記白狄先生馮翊人

白鹿

風俗通白鹿先生古賢人著書

號射

晉大夫號射叔之後漢桓帝時羽林左監號射鏘

白楊堤

後魏有白楊堤度汗吐谷渾別帥率戶附魏

二十一麥

麥

見姓苑云高要始興有此姓隋麥鐵杖始興人自周入隋官至萊州刺史右衛大將軍宿國公

獲

風俗通云宋大夫猛獲之後子孫以王父字爲氏

革

漢功臣棗陽侯革朱

漢功臣表作煮棗端侯革朱

麥邱

英賢傳齊桓公時賢人麥邱老人

二十二昔

石

衛大夫石碯之後又石駘仲衛大夫生石祁子見左傳禮記  
楚有石奢鄭石癸癸字甲父周石速漢石商石奮奮生建慶  
號萬石君

渤海 奮裔孫苞晉司徒樂陵公生喬統越峻儁嵩統孫瑛  
趙司空五代孫眷眷五代孫晷唐虞部郎中

平原 厭次人奮後晉司徒石鑒又駕部郎中石仲覽宣州  
人今居廣陵

上黨 晉石勒上黨武鄉羯胡也晉元時僭位稱王都襄國  
今荊州也子弘爲從兄季龍所殺自立子鑒遵並爲冉閔所

殺後趙六王三十四年

案石趙起晉太興元年終永和七年凡七主共三十三年

河南 後魏官氏志烏石蘭氏改姓石魏司徒蘭陵公石猛

猛生銓銓生眞素初平素生萇萇生儁遠詢石儁生士濟唐  
原州總管詢生金剛左司衛率初平元孫抱忠天官侍郎今  
居號州

席

本姓籍晉大夫籍談之後也談十三代孫瓌避項羽名改爲  
席氏漢初徙關東豪族席氏後徙安定臨涇

安定臨涇 瓌十代孫廣後漢光祿勳元孫允魏酒泉郡守  
允元孫保苻秦尙書左丞生衡晉建威將軍寓居襄陽仕南  
朝四代衡孫固歸後魏湖州刺史靖安公元孫君懿唐侍御  
史懿曾孫建渙異晉建禮部尙書襄陽文公孫咎萇中書  
舍人生鴻又席法與裴叔業自南歸後魏拜并州

缺

昔

案昔姓應在二  
十二昔之首

風俗通周大夫封昔因氏焉漢昔登爲烏傷令開元昔安仁  
生豐大理評事汝州人

易

左傳齊大夫易牙之後魏雍州刺史易愷魏郡人晉春陵令  
易雄長沙人前涼將軍易挺

籍

晉文侯仇弟陽叔生伯鸞司晉典籍爲籍氏元孫籍談代爲  
晉大夫晉爲趙魏所滅籍氏播遷宋漢有倖臣籍端又諫議  
大夫籍禋石趙侍中籍罷唐太常博士籍知微云其後也

射

晉大夫虢射之後見左傳漢大鴻臚射咸吳中書侍郎射慈  
善禮喪服又音社

顛

召公顛之後以王父字爲氏

赤

風俗通帝侂帝赤松子之後見神仙傳

夕

後漢巴中渠帥夕氏蜀志尙書令夕斌

適

見姓苑

釋

內典云悉達太子成道姓釋氏

辟閭

衛文公支孫以居楚邱營辟閭里因爲辟閭氏漢書儒林傳

太子少傅辟閭曾孫失名爲昌邑王太傅

石駘

駘仲之後亦作石駘氏

石之

左傳齊有石之紛如

石伯

左傳伯名伯奐之後案左傳有召伯奐此疑誤

赤張

史記赤張徒父赤張開赤張哆並孔子弟子案莊子有赤張滿稽若孔子弟

子史記家語俱無赤張氏惟漆雕徒父漆雕哆三人名同開漆雕疑因此誤

赤章

韓子赤章蔓枝智伯臣也

二十三錫

錫

吳志漢末交趾太守錫光仙人錫壽之後梁錫休儒為益州

刺史

狄

周成王封少子於狄城因氏焉魯大夫狄虺彌古賢人狄儀

仲尼弟子狄黑衛人裔孫漢博士狄山

天水 狄山子孫代居天水姚秦錄狄伯文官至中書令樂

平侯將軍狄廣狄建義狄柴狄雄齊伯文裔孫又居太原曾

孫孝緒唐尚書左丞右常侍臨穎男生知遜夔州刺史

案知遜官

越州刺史此作護不合 生仁傑納言內史令梁國公文惠公生光嗣光

遠景昭光嗣戶部郎中孫博通博濟博通生元範光遠袁州

司馬景昭職方員外

酈

黃帝之後支孫食采于酈因氏焉漢有廣野君酈食其沛人弟商爲賈後爲丞相生寄一名況其子疥封高梁侯傳封三代孫魏酈道元字善長注水經官至御史中尉

戚

衛大夫食采於戚因氏焉先賢戚子著書漢高祖戚夫人生趙王如意功臣表臨堅侯戚鯁傳封八代

休

古溺字見纂要

糴

左傳晉大夫糴棧

析

左傳齊大夫析歸父衛大夫析朱鉏公子黑其後也後漢析像通京氏易廣漢雒縣人析國為鬱林太守生像入後漢方術傳案後漢書析像乃折字

析成

齊大夫析成鮒

二十四職

職

周禮職方氏因官為姓山陽令職洪因官居焉開元有職南

金蔡州人民史記

稷

稷氏后稷之後子孫氏焉見姓苑漢稷嗣君叔孫通支孫亦

爲穆氏

魯郡 今兗州有穆氏

力

黃帝臣力牧之後

魯郡 漢有魯郡相力題因居焉

棘

衛大夫棘子成之後見論語文士傳曰棗祗本姓棘避仇改爲棗潁州長社人

息

息媯姓侯國爲楚所滅子孫以國爲氏今新息縣卽其故地也

襄陽 今襄州 案此下似有脫文

植

南越有此姓  
氏族略

翼

見姓苑

河東 今蒲州有翼氏晉翼侯居翼城因以氏焉

東海下邳 漢諫議大夫翼奉

弋

今蒲州有弋氏望出河南  
氏族略

食

見姓苑

河南 風俗通漢有博士食子公

遼東 後燕合浦公食勃東夷人

嗇

風俗通云古嗇夫子孫因氏焉

卽

風俗通漢單父令卽費其先食采卽墨因以命氏

卽利

韓子宋戴公時大夫卽利渠彌

稷邱

英賢傳曰漢稷邱子得仙

弋門

姓苑云漁陽人

二十五德

國

左傳齊卿族國氏代爲上卿國共伯元孫歸父生綽綽生夏  
夏生聿及書並其族又鄭穆公子發字子國生輒字子耳生  
僑字子產以王父字爲氏生參

樂安 漢魏郡太守國泉字子尼晉鎮南將軍王歆騎督國

滿討張昌於隋郡

案晉書新野王歆遣騎督靳滿討張昌非國氏也國滿未詳

### 墨

孤竹君之後本墨台氏後改爲墨氏望出梁郡戰國時宋人

墨翟著書號墨子

氏族略

### 塞

姓苑云人姓或天竺胡人之釋後卽釋種也

### 勒

南越有此姓

北人

英賢傳古有劉河北人因氏焉莊子吳大夫有北人子高案

志引英賢傳古有劉河者處于北海其後以為氏又云周有吳大夫北海子高此云莊子誤北人又誤

北宮

衛公族頃子生去疾孫括生遺遺生貞子喜喜生結及肱左  
傳有北宮奢漢書有北宮伯子晉有西河太守北宮協前涼  
有護軍北宮萌

北鄉

左傳齊大夫北鄉啟北鄉子車說苑齊人有北鄉駱與晏子

為友案左傳北鄉啟北鄉子車齊人北郭駱與晏子為友此俱誤

北郭

莊子舜友北郭亡擇晏子云古有北郭無擇清身潔已疾世

之濁自投清冷之淵也

案莊子有北人無擇此條當探入北人之下又誤爲北郭

北唐

英賢傳曰晉有高人越者隱於北唐因氏焉漢有北唐子真治京氏易者

北門

左傳有北門駟尸子有北門子莊子有北門成

北髮

漢書燕遣北髮長賂遺公主

北殷

世本云子姓也

北野

見姓苑

万俟

後魏獻帝季弟之後為十姓官氏志稱万俟氏中間失譜

河南 後魏夏州刺史樂寧公万俟禮生雅周安城公孫元

道唐秦府車騎將軍靈公生肅殿中監虢州刺史靈公生齊

莊庭玉肅曾孫著元元生遜造案北史有万俟普子洛字受洛千普封河西郡公洛太師

大司馬太尉錄尚書  
余朱時有万俟醜奴

黑齒

百濟西郡人也唐右衛大將軍燕國公黑齒常之

黑肱

楚申公黑肱之後

二十六緝

習

風俗通云習國名也漢習響爲陳相

襄陽 晉衡陽太守習鑿齒著漢晉春秋五十四卷左傳齊大夫習明史記齊習虛田成子時人

汲

風俗通衛宣公太子伋之後居汲因爲氏焉

濮陽 漢淮易太守汲黯其先七代爲衛卿大夫弟汲仁亦至九卿偃諸侯相

邑裘

衛大夫柳莊卒公與之邑裘氏與縣潘氏故衛有邑裘氏見禮記

二十七合

合

左傳宋大夫合左師之後向戌也

二十八蓋

蓋

漢蓋公又司隸校尉蓋寬饒後漢二十八將左馮翊安平侯

蓋延

漁陽 蓋延代居漁陽唐國子博士蓋文懿宋州人云其後也秦府學士諫議大夫蓋文達冀州人

洛陽 後漢蓋勳

河南 官氏志云蓋樓氏改爲蓋氏

二十九葉

葉

風俗通楚沈尹戌生諸梁字子高食采于葉因氏焉吳志有

都郡葉雄

據祕笈新書增

聶

衛大夫食采于聶因氏焉史記軹人聶政殺韓相俠累漢潁川太守聶良護羌校尉聶尙又有聶壹吳志將軍聶友石趙梁閔中書舍人聶熊清河人

輒

風俗通衛出公輒之後以王父字為氏漢有輒終古

錢塘

史記錢塘輒終古封禦兒侯

案史記作轅終古

捷

漢書藝文志有捷子三篇云齊人

案漢書藝文志作二卷

風俗通云邾

公子捷菑之後以王父字為氏

接

三輔決錄接子昕著書十篇

葉陽

秦太后弟葉陽君子孫氏焉漢有諫議大夫葉陽通案史記

弟華陽君通志亦有華陽通此俱誤

接輿

論語楚狂接輿隱者也其後為氏

跖

開元左威衛大將軍赤水軍副使武威公跖舒

三十帖

莢

音夾韓相俠累之後急就章莢却敵案急就章作俠却敵若莢氏見世本晉有大夫

莢成  
僖子

牒云

北齊營州刺史漢中山令牒云樂

三十二狎

甲

風俗通太甲之後一云鄭大夫石甲父之後以王父字爲氏

甲父

古諸侯以國爲姓周甲父氏見釋例漢有侍御史甲父沮

三十四乏

法

本媯姓田氏之裔齊襄王子法章支孫以名爲姓

扶風郿縣

後漢南郡太守法雄雄子真順帝四徵不起號

元德先生真生衍司徒掾衍生正字孝直蜀尙書令郡太守

生邈漢陽太守

元和姓纂卷十